


ОЙЛУК

Ойлик ижтимоий-маърифий журнал,
1434, Сафар, 2-сон





«ОМИНА» ЭЛЕКТРОН ЖУРНАЛИНИНГ ҲАЙЪАТ АЪЗОЛАРИ:

*Одинахон Муҳаммад Юсуф
Дилафуз Юсупова
Гўзал Дадамуҳамедова
Муяссар Қаюмова
Ирода Аҳмедова
Назокат Қосимова
Гулиода Мўминова
Зарнигор Аҳмадалиева
Умму Муҳаммад Билол*



Дизайнер Равшан Маликов



Электрон манзил: muslimalar1@gmail.com



ҚИЛАЁТГАН ҲУКМЛАРИ НАҚАДАР ёМОН!

3

ЗИЙНАТ



9

МЎМИННИНГ ҒАМИ НАМОЗ



11

СЕХР ВА ФОЛБИНЛИККА ишониш иймоннинг ЗАИФЛИГИДАН

18

ЭРНИ ЭР ҚИЛАДИГАН ҲАМ ХОТИН...



20

ФИРЪАВН САРОЙИДАГИ ЧАҚАЛОҚ



23

НЕГА КЎП ЕЙМИЗ?

25

МЕВАЛИ ГАЛЕТЛАР



27

КИЛАЁТГАН ҲУКМЛАРИ НАҚАДАР ЁМОН!

(Ушбу сонда Анъом сурасининг 136-140-оятлари-нинг тафсирини эътиборингизга ҳавола қиласиз).

وَجَعَلُوا لِلَّهِ مِمَّا ذَرَّا مِنْ الْحَرَثِ وَالْأَنْعَمِ نَصِيبًا
فَقَاتُوا هَذَا لِلَّهِ بِزَعْمِهِمْ وَهَذَا لِشَرِكَائِنَّا فَمَا كَانَ
لِشَرِكَائِهِمْ فَلَا يَصِلُ إِلَى اللَّهِ وَمَا كَانَ لِلَّهِ فَهُوَ
يَصِلُ إِلَى شَرِكَائِهِمْ سَاءَ مَا يَحْكُمُونَ ١٣٦

Аллоҳга Унинг Ўзи яратиб, таратган экинлар ва чорвалардан насиба ажратиб, ўзларicha: «Бу Аллоҳга, бу эса «шериклар»имизга», дедилар. Бас, «шериклар»ига бўлган нарса Аллоҳга етмас. Аллоҳга бўлган нарса эса «шериклар»ига етадир. Килаётган ҳукмлари нақадар ёмон!

Анъом сурасининг ушбу ояти каримасида ва ундан кейин келадиган оятларда соф Ислом ақийдасига ва шариат кўрсатмаларига эга бўлмаган одамлар қанчалик адашишлари, залолатта кетишлари мумкинлиги яққол кўринади.

Араб мушриклари уларнинг вакиллари ҳисобланадилар. Уларнинг экинлардан, чорва ҳайвонларидан Аллоҳга насиба ажратиш одатлари бор эди.

«Аллоҳга Унинг Ўзи яратиб, таратган экинлар ва чорвалардан насиба ажратиб, ўзларicha: «Бу Аллоҳга, бу эса «шериклар»имизга», дедилар».

Шу билан бирга, бутларига ҳам ўша экинлардан ва чорва ҳайвонларидан насиба ажратар эдилар. Агар Аллоҳга ажратган нарсалари бутларига ажратган нарсаларига қўшилиб кетса, майли, деб қўяр эдилар. Аммо бутларига ажратган насибадан Аллоҳга ажратилганига қўшилиб кетса, Аллоҳ бунга муҳтож эмас, деб, қайтариб олишарди.

Бу иш аслида мантиқсиз, қўполроқ қилиб айтадиган бўлсан, ахмоқона иш эди. Дунёдаги ҳамма нарсаларни, шу жумладан, экинлар ва ҳайвонларни ҳам Аллоҳнинг Ўзи яратган. Қандай қилиб улардан ўз Холиқига насиба ажратилади?! «Бу Аллоҳга, бу эса бутларимизга», дейишлари нимаси? Уларнинг бу амаллари нотўғри.

«Бас, «шериклар»ига бўлган нарса Аллоҳга етмас. Аллоҳга бўлган нарса эса «шериклар»ига етадир».

Уларнинг ҳамма чиқарган насибалари бутларига етади. Яъни Аллоҳга насиба деганлари ҳам, бутларимизга насиба деганлари ҳам – ҳаммаси бутларга етади. Ҳамма қилган сарфлари гуноҳга кетади.

«Килаётган ҳукмлари нақадар ёмон!»

Бунга ўхшаш ишлар ҳар замонда, ҳар маконда, соф Ислом бўлмаган жамият ва даврларда бордир.

وَكَذَلِكَ زَيْنَ لِكَثِيرٍ مِنَ الْمُشْرِكِينَ
فَتَلَ أَوْلَادُهُمْ شَرَكَاؤُهُمْ لِيُرْدُوهُمْ وَلِيَكُلُّسُوا عَلَيْهِمْ
دِيْنُهُمْ وَلَوْ شَاءَ اللَّهُ مَا فَعَلُوْهُ فَذَرُهُمْ وَمَا يَفْتَرُونَ ر

Шунингдек, мушриклардан кўпларига «шериклари» уларни ҳалок этиш ва динларини чалкаштириш учун болаларини ўлдиришни чиройли кўрсатди. Агар Аллоҳ хоҳласа, уни қилмас эдилар. Бас, уларни ўзлари тўқиётган нарсалари илимайтиб қўй!

Бу эса аввалгисидан ҳам кўра тубанроқ ишдир. Ушбу оядаги «шериклар»дан мурод инс ва жинларнинг шайтонларидир. Қуръон нозил бўлаётган даврда араб мушрикларида очликдан ҳадиксираб ёхуд асирга тушиб қолса, ор-номусдан уялиб қолмаслик учун қиз болаларни кичикилигига даёқ тириклай кўмиб юбориш одати бор эди.

«Шунингдек, мушриклардан кўпларига «шериклари» уларни ҳалок этиш ва динларини чалкаштириш учун болаларини ўлдиришни чиройли кўрсатди».

Бу ишни уларга шериклари чиройли кўрсатар эдилар. «Яхши қилдинг, бу қиз катта бўлса, битта нонхўр кўпаяр эди», «Агар катта бўлгандা асир тушиб қолса борми, душманлар уни зўрласалар, у қилсалар, бу қилсалар, сенга ор-номус келтиради», деб қўрқитар эдилар.

Шунингдек, уларда ўғил болаларни ҳам назр сифатида қурбонлик қилиш одати бор эди. Мисол учун, Набий соллаллоҳу алайҳи васалламнинг боболари Абдулмуттобилининг «Ўнта ўғил кўрсам, бирини қурбонлик қиласман», деб назр қилгани, ўнта ўғил кўргандан кейин қайси бирини қурбонлик қилишни билмай, унинг ўрнига бошқа бир нарсани қурбонлик қилиш мумкинми-йўқми, деб, нажот излагани жуда ҳам машҳур. Бунга ўхшаш ишлар жохилият ҳукм

сурган ҳар бир замонда бор бўлган. Баъзи жойларда, сув тошқинидан асрайди, деб, Турди, Тўхтасин каби исмли кишиларни тўғонларга, тупроқ остига бостириб, курбонлик қилгандар. Ҳозирги замон жоҳилиятида ота-оналар дунё лаззатидан кўпроқ маза қилиш, бола бокиш қийинчиликларидан кочиш, сарф-харажатларни камайтириш мақсадида болаларни туғилмасидан аввал ўлдириш – ҳомилани олиб ташлаш ёки умуман, ҳомилага қарши воситаларни истеъмол килишни йўлга қўймоқдалар. Оқибатда катта-катта миллатлар кун сайн камайиб кетаётир. Ҳақиқий исломий таълимот йўқ жойда ана шундай бўлади! Инсу жинларнинг шайтонлари одамларга ҳаттоқи болаларни ўлдиришни ҳам чиройли кўрсатади. Мазкур «шериклар» бу ишни ўзига эргашганларни

«...ҳалок этиш ва динларини чалкаштириш учун» қиласидар.

Ҳақиқатан ҳам, бу дунё лаззатини деб ёки ўзларича Худодан бошқа бир раҳнамонинг розилигини оламан деб, болаларни ўлдириш ҳалокатга олиб келади. Бу жаллодлик динга ва Холиққа душманликдир. Яъни Аллоҳнинг динини кўйиб, «шерик»ларнинг динига юришдир. «Шериклар» турли кўринишида бўлиши мумкин. Инсу жинларнинг шайтонларидан иборат бўлиши, якка шахслар, турли ташкилотлар, давлатлар, ҳалқаро муассасалар ёки бошқача шакларда ҳам бўлиши мумкин.

«Агар Аллоҳ ҳоҳласа, уни қилмас эдилар. Бас, уларни ўзлари тўқиётган нарсалари ила қўйиб кўй!»

Демак, инсу жин шайтонларининг ва уларга эргашаётганларнинг ишлари улар кўзлагандек эмас. Ҳаммаси Аллоҳ таолонинг назорати остида. Агар Аллоҳ ҳоҳласа, бу куфр ва тугёнларга бормас эдилар. Аммо Аллоҳ таоло бошқа бандаларга синов бўлсин деб, уларни тек кўйди. «Бузоқнинг юргани сомонхонагача» дейилганидек, дин душманлари ҳам маълум муддатгача ўзларини ўзлари овора қиласидар. Оқибат Ислом ва мусулмонларники. Ҳозирча дин душманлари ва улар тўқиган нарсалар тек қўйиб турилади. Улар тўқиган нарсалар, деганда бандалар амал қилиши учун Аллоҳ нозил қилган диний таълимотларга муқобил нарсалар тушунилади. Улар ўша ўзлари тўқиган нарсани одамларга зийнатлаб кўрсатадилар. Улар тўқиган нарсалар турлича номланиши мумкин. Кимdir «дастур», бошқаси «режа» деб атаси мумкин. Аммо Аллоҳ айтган таълимотларга тўғри келмаганидан кейин, қандай ном билан аталса-да, ношаръий бўлаверади. Буларнинг ҳаммаси вақтинча, синов учун бўлаётган ҳодисалардир.

Келаси оятда кофир-мушрикларнинг яна бир одатлари фош этилади:

وَقَالُوا هَذِهِ آنْعَمْ وَحَرَثٌ حِجَرٌ لَا يَطْعَمُهُمْ إِلَّا مَنْ نَشَاءَ
بِرَزْغِهِمْ وَأَنْعَمْ حِرْمَتٌ ظَهُورُهُمْ وَأَنْعَمْ لَا يَدْكُونَ أَسْمَ اللَّهِ عَلَيْهَا
أَفَرَأَءَ عَيْنَهُ سَيَّجِزِيهِمْ بِمَا كَانُوا يَفْرُوتُونَ

Унга тухмат қилиб, ўзларича: «Мана булар тақиқланган чорвалар ва экинлар – уларни факат биз ҳоҳлаган кишиларгина ейдилар – ва минилиши ҳаром қилинган чорвалар ҳамда (сўиши чогида) устида Аллоҳнинг исми айтилмайдиган чорвалардир», дедилар. У Зот қилган тухматлари тифайли тезда уларга жазо беражак.

Бу оятда мушрик ва кофирларнинг энг катта жиноятларидан бири – ҳалол-ҳаромни ажратища Аллоҳнинг айтганига юрмай, ўзларича кўнгиллари тусаган ҳукмни чиқаришлари баён қилинмоқда. Аслида ҳалол ёки ҳаром ҳакида ҳукм чиқариш Аллоҳ таолонинг ҳақи. Бандаларнинг бу илоҳий ҳаққа тажовуз қилишлари қуфрга олиб борадиган катта жиноятдир. Агар бир инсон ҳамма диний ақийдаларга тўлиқ иймон келтирса, шариат кўрсатмаларига мукаммал амал килса-ю, Аллоҳ ҳалол, деган нарсани ҳаром, деса ёки, аксинча, ҳаром, деганини ҳалол, деса, кофир бўлади. Бу масала шу даражада нозик масаладир. Инсон ҳаётининг ҳар бир соҳаси Аллоҳнинг ҳукмига мувофиқ бўлиши керак. Аллоҳ ягона Холиқ – яратувчи, ягона Розик – ризқ берувчи, ягона Маъбуд – ибодатга сазовор Зот бўлганидек, У ягона Ҳоким – Ўз ҳукмини юритувчидир.

Ана шу ягона Холиқ, Розик, Маъбуд, Ҳоким – Аллоҳ таоло ҳалол-ҳаромга ўзларича баҳо берганларни қаттиқ қораламоқда. Бундай ишларни Аллоҳга тухмат деб атамоқда ва уларга қаттиқ жазо берилишининг дарагини бermоқда.

«Унга тухмат қилиб, ўзларича: «Мана булар тақиқланган чорвалар ва экинлар – уларни факат биз ҳоҳлаган кишиларгина ейдилар – ва минилиши ҳаром қилинган чорвалар ҳамда (сўиши чогида) устида Аллоҳнинг исми айтилмайдиган чорвалардир», дедилар».

Яъни мушриклар ўзларича, ҳужжат-далилсиз «Бу ҳайвонлар ҳаром, уларни истеъмол қилиб бўлмайди», «Бу экинлар ҳаром, уларни истеъмол қилиш мумкин эмас», дейишади. Улар ўзлари ҳаром қилган ҳайвон ва экинларни ҳоҳлаган кишиларига ҳалол қилиб, ейишга рухсат бериш ҳақлари борлигини таъкидлайдилар. Шунингдек, улар баъзи ҳайвонлар ҳакида «минилиши ҳаром ҳайвонлар» деб ҳукм чиқарадилар. Яъни баъзи ҳайвонларнинг гўштини ейишни ҳаром қилишса, баъзи ҳайвонларнинг минилишини ҳаром қилишади.

Осим ибн Абу Нажжуддан Абу Бакр ибн Айаш қуидагиларни ривоят қиласы: «Абу Воил мендан:

«...ва минилиши ҳаром қилинган чорвалар ҳамда (сүйиш чоғида) устида Аллохнинг исми айтилмайдиган чорвалардир» деган оятда нима борлигини биласанми?» деб сүради. Мен:

«Йўқ», дедим. У:

«Бу баҳийра деб аталган ҳайвон бўлиб, уни мишиб, ҳаж қилмас эдилар», деди».

Мужоҳид: «Уларнинг бир тоифа туялари бўлиб, ўша туяларга Аллоҳнинг номини зикр қилмас эдилар. Ўша туяларга тегишли ҳеч бир нарсада Аллохнинг номини зикр қилмас эдилар. Уларни минсалар ҳам, соғсалар ҳам, уларга юк юкласалар ҳам, урчитсалар ҳам, бошқа бирор нарса қилсалар ҳам, Аллоҳни зикр қилмас эдилар», дейди.

Аллоҳ таоло мушрикларнинг бу қилмишларини ўз Зотига нисбатан тухмат деб баҳоламоқда.

Яъни мазкур ишларни Аллоҳнинг номи билан боғлашлари, Унинг дини дейишлари ёки Худони рози қиладиган иш деб баҳолашлари ва бошқа шунга ўхшаш даъволари Аллоҳ таолога нисбатан буюк тухматдир. Аммо Аллоҳ таоло тухматчиларни чора-сиз қолдирмайди:

«У Зот қилган тухматлари туфайли тезда уларга жазо беражак».

Қиёматда хар бирларига тегишли жазо белгилаб кўйилган. Аллоҳ уларга адолатли жазо бериши турган гап.

Келаси оятда мушрикларнинг яна бир фасодлари ҳақида гап кетади:

وَقَالُوا مَا فِي بُطُونِهِ الْأَنْفُسُ خَالِصَةٌ لِذِكْرِنَا
وَمُحَمَّدٌ عَلَى أَزْوَاجِنَا وَإِنْ يَكُنْ مَيْتَةً فَهُمْ فِيهِ شُرَكَاءٌ
سَيَجْزِيْهِمْ وَصَفْهُمْ إِنَّهُ حَكِيمٌ عَلَيْهِ
١٣١

Яна: «Мана бу чорваларнинг қорнидаги нарсалар эркакларимизга холос, хотинларимизга ҳаром», дерлар. Агар у ўлик бўлса, улар унга шериклардир. Тезда уларга васфлари учун ўзи жазо беражак. Албатта, У ўта ҳикматлидир, ўта билувчи-дир.

Бу оятда инсу жин шайтонларининг, дин душманлари ва ўзларича ҳалол-ҳаромга «қозилик» қилувчилар аҳмоқлигининг янгича кўриниши таъриф қилингани. Ўтган оятда уларнинг баъзи ҳайвонларни ейиш ёки минишни ҳаром қилганликлари ҳақида сўз борган бўлса, бу оятда маълум бир ҳайвонни баъзи одамларга ҳалол, баъзиларига ҳаром қилганликлари ҳақида сўз кетмоқда.

«Мана бу чорваларнинг қорнидаги нарсалар эркакларимизга холос, хотинларимизга ҳаром»,

дерлар. Агар у ўлик бўлса, улар унга шериклардир».

Улар «Ушбу ҳайвоннинг ҳомиласи эркакларимизга ҳалол, аёлларимизга ҳаром», дейишар эди. Агар ўша ҳайвоннинг ҳомиласи ўлик бўлса, эркак-аёлга баробар ҳалол бўларди. Нима учун, қайси далил билан бундай дейишларини ҳеч ким билмайди. Ўзлари ҳам билмайдилар. Ўзича шариат ясаб, хукм чиқаришга ўтилганда, шундай бўлади. Нафакат қайси ҳайвон ҳалолу, қайси ҳайвон ҳаромлиги масаласида, балки қолган барча масалаларда ҳам ушбу ҳолат тақрорланаверади. Бугун кўнгиллари бир нарсани тусаб, ўшанга мос қонун чиқарсалар, эртага худди ўша одамлар унинг тескарисига ҳам қонун чиқараверадилар.

Аммо Аллоҳ таоло уларнинг бу ишларини эътиборсиз қўймайди:

«Тезда уларга васфлари учун ўзи жазо беражак».

Бу жазо уларнинг ўзлари ўйлаган нарсани қонун дея даъво қилиб, шариат даражасига кўтарганлари учун содир бўлди.

«Албатта, У ўта ҳикматлидир, ўта билувчи-дир».

Ҳар бир амалини Зотига хос илм асосида ҳикмат илиа амалга оширади.

قَدْ خَسِرَ الَّذِينَ قَاتَلُوا أُولَئِكُمْ سَفَهًا بِغَيْرِ عِلْمٍ وَحَرَمُوا
رَزْقَهُمُ اللَّهُ أَفْتَرَهُمْ عَلَى اللَّهِ قَدْ ضَلَلُوا وَمَا كَانُوا مُهَتَّدِينَ
٦٢

Эси пастлик қилиб, илмсиз равиша фарзандларини ўлдирганлар ва Аллоҳга тухмат қилиб, Аллоҳ уларга ризқ қилиб берган нарсаларни ҳаром қилганлар зиён кўрдилар. Батаҳқиқ, улар адашидилар ва хидоятга юрувчилардан бўлмадилар.

Ха, эси паст бўлмаса, ҳамма нарсани билувчи ва ҳамма ишни ҳикмат илиа қилувчи барҳақ Аллоҳ субҳанаҳу ва таолонинг айтганларини инкор этиб, Унинг шариатини поймол этиб, ўзларича бошқа нарсаларни тўқиб юришармиди? Агар ақллари бўлса, Аллоҳ таолонинг динини бир томонга кўйиб, ўзларига ўхшаган одамлар, балки инсу жинларнинг шайтонлари уларга чиройли кўрсатган нарсаларга эргашиб юришармиди?

Агар улар жоҳил бўлмасалар, Аллоҳнинг фарзандларни қўпайтириш, уларни тарбиялаб-ўстириш ҳақидаги таълимотига душманларча қарши бўлган инсу жин шайтонларининг гапига кириб, ўз жигаргўшаларини ўлдиравмидилар?! Ёки Аллоҳ таоло уларга ҳалол ризқ қилиб берган нарсаларни ҳеч қандай сабаб ёки далилсиз ўзларига ҳаром қилиб олармидилар?! Ана шундай аҳмоқона ишларни қилганлар

«...зиён құрдилар».

Улар у дунёда азоб-укубат тортажаклари турған гап, аммо бу дунёning ўзидаёқ зиёнкор бўлдилар. Ақли бор инсон жоҳиллик қилмай, инсоф билан ўйлаб кўрса, унга ўзи тарқ қилган ҳар бир диний ишдан бу дунёning ўзида олам-олам зиён етишини дархол тушуниб олади. Бу ҳақда жуда кўп айтилган, ёзилган ва баҳс юритилган. Биз бошқа илоҳий таълимотлардан четлашни бир томонга қўйиб, ушбу оятда зикр қилинган ўз боласини ўлдириш ва Аллоҳ берган ҳалол ризқни ўзига ҳаром қилиб олиш масаласини олиб кўрсак ҳам, бундай ишни қилгандар бу дунёning ўзида қанчалар зиён тортишини аниқ кўрамиз. Ўз боласини ўзи ўлдирган одамдан ҳам зиёнкорроқ одам борми бу дунёда?! Бу ғайриинсоний иш қайси шаклда, қандай баҳона ва сабаб ила қилинмасин ҳамда инсу жинларнинг шайтонлари қанчалик чирийли кўрсатган бўлмасин, барибир улуғ зиёндир.

Бугунги кун жоҳилиятининг шайтонлари одамларга дунёга келмаган болаларини нобуд қилиш ёки, умуман, бола кўришдан воз кечишни чиройли кўрсатмоқдалар. Улар одамларга «Бизнинг айтганимизни қилсанг, соғлигинг яхши бўлади, иқтисодинг ночор бўлмайди, бу дунёning матосидан, ўйин-кулгисидан, урф бўлган кийими, зебу зайнатидан маҳрум бўлмайсан» ва ҳоказолар деб, йўлдан урмоқдалар. Окибатда, ўша инсу жин шайтонларининг айтганига кирганлар қариганда фарзандсизлик доғида куйиб, ўлиб кетишимоқда. Фарзанд кўрмаслик учун қилдирган тиббий амалиётлари, кўллаган чоралари ва истеъмол қилган дорилари ўзларининг бошига фалокат бўлмоқда. Бу иш нафақат айрим шахслар, балки бутун бошли ҳалқларнинг бошига каттадан-катта зиёнлар келтирмоқда. Мазкур инсу жин шайтонларининг амрига юриб, Аллоҳ таолонинг таълимотини рад этган ғарб ҳалқаридан айримлари камайиб, келажакда йўқ бўлиш хавфи туғилмоқда. Натижада бугун оиласарда фарзандни кўпайтиришга ундовчи чақириқ ва чора-тадбирларнинг ҳеч бири наф бермай кўйди.

Шунингдек, Аллоҳ таоло ризқ қилиб берган ҳалол ва покиза нарсаларни ҳаром қилгандар воқеий дунёning ўзидаёқ катта зиёнкор бўлдилар. Уларнинг бу зиёнлари ҳозирда у қадар сезилмаётган бўлиши эҳтимол. Аммо мухакқақи, келажакда албатта зоҳир бўлади.

«Тафсири Ҳилол»дан.



ЖОХИЛИЯТ ДАЪВОЛАРИНИ РАДҚИЛИШ ҲАҚИДА

لَا عَدُوٌّ وَلَا طِيرٌ وَالاحْتِيَاطُ أَسْلَمٌ

**КАСАЛЛИК ЮҚИШИ ВА ШУМЛАНИШ ЙҮҚ,
ЭҲТИЁТ БЎЛИШ ЯХШИ**

— عَنْ أَبِي هُرَيْرَةَ عَنِ النَّبِيِّ قَالَ: لَا عَدُوٌّ وَلَا هَامَةٌ
وَلَا نَوْءٌ وَلَا صَفَرٌ. رَوَاهُ الثَّالِثُ.

Абу Хурайра розияллоҳу анхудан ривоят қилинади:
«Набий соллаллоҳу алайҳи васаллам:
«Касаллик юқиши йўқ, бойқуш йўқ, навъу йўқ ва
сафар йўқ», дедилар».

Учовлари ривоят қилганлар.

Шарҳ: Исломдан олдинги жохилиятда ҳам жохилликнинг турли-туман кўринишлари мавжуд эди. Жумладан, тибга оид масалаларда ҳам. Ушбу фаслда келадиган ҳадиси шарифлар ана ўша нарсаларни муолажа киласи, уларни Ислом дини қандай килиб тўғри йўлга солганигини тушунтиради.

Абу Хурайра розияллоҳу анхудан ривоят қилинган бу ҳадиси шарифда жохилиятнинг тўртта жохиллиги инкор қилинмоқда.

1. «Касаллик юқиши йўқ»

Жохилият аҳлида «Хасталикларда ўзига яраша қувват бор, улар бир кишидан иккинчисига ўтади», деган эътиқод бор эди.

Хасталик Аллоҳ ирова қилсагина юқади. Худди шу маъно Пайғамбаримиз соллаллоҳу алайҳи васалламнинг ушбу ҳадиси шарифларида ва шунга ўхшаш бошқа ҳадиси шарифлардаги «Касаллик юқиши йўқ» деган гапларида мужассам бўлган.

Дунёдаги ҳар бир нарса фақатгина Аллоҳ таолонинг иродаси билан бўлади. Жумладан, хасталик юқиши ҳам. Одамлардан жохилият эътиқодларини кетказиш учун шунга ўхшаш ҳассос нарсаларга алоҳида эътибор берилган.

2. «Бойқуш йўқ»

Жохилият даврида турли нарсалардан шумланиш мавжуд бўлиб, бу нарса уларнинг эътиқодига айланниб қолган эди. Жумладан, «Қаерга бойқуш кўнса, ўша ерда ёмонлик бўлади», деган эътиқод бор эди.

Ислом бу нарсани ҳам инкор этди. Бирорга кўнгилсизлик ёки ёмонлик етадиган бўлса, бойқуш ёки бошқа қуш кўнгани сабабли эмас, Аллоҳ таолонинг иродаси ила бўлади. Аллоҳ ирова қилса, ҳар қандай ҳолатда ҳам бандага хасталикни орис қилганидек, бойқуш кўнса ҳам, кўнмаса ҳам ёмонлик воқеъ қилиши мумкин.

3. «Навъу йўқ»

«Навъу» – жохилият аҳли «Ёмғир ёғдиради», деб эътиқод қиласидан юлдуз. Улар ўзларича «Ёмғирни ўша юлдуз ёғдиради», дейишар эди. Албатта, бу ҳам нотўғри. Ёмғирни фақатгина Аллоҳ таолонинг Ўзи ёғдиради.

4. «Сафар йўқ»

Жохилият аҳлининг Сафар ойи тўғрисида ҳам бидъат-хурофотдан иборат ақидалари бор эди. Улар «У ойда сафар қилиб бўлмайди, у бўлмайди, бу бўлмайди», дейишар эди.

Ислом бундай бўлмағур эътиқодларни ҳам рад этди. Ойларнинг ҳаммаси ҳам Аллоҳ таолонинг ойлари, кунларнинг ҳаммаси ҳам Аллоҳ таолонинг кунлари эканлигини эълон қилди.

Кўриниб турибиди, бу ҳадиси шариф асосан, эътиқодга оид масалаларни, жумладан, тибга оид эътиқод масаласини ҳам муолажа қилмоқда.

Демак, бизлар «Касаллик ўзи юқмайди, Аллоҳ таоло иро-да қилсагина юқади», деган эътиқодни маҳкам тутишимиз керак экан. Бу масала кейин келадиган ҳадиси шарифларни ўрганишимиз жараённида яна ҳам ойдинлашиб боради.

— عَنْ جَابِرِ رَضِيَ اللَّهُ تَعَالَى عَنْهُ عَنِ النَّبِيِّ قَالَ: لَا عَدُوٌّ وَلَا غُولٌ وَلَا
صَفَرٌ. رَوَاهُ مُسْلِمٌ وَأَبُو دَاوُدٍ.

Жобир розияллоҳу анхудан ривоят қилинади:

«Набий соллаллоҳу алайҳи васаллам:

«Касаллик юқиши йўқ, ғул йўқ ва сафар йўқ», дедилар».

Муслим ва Абу Довуд ривоят қилганлар.

Шарҳ: Бу ҳадиси шарифда аввалги баёни келган нарсаларга ғул ҳам йўклиги қўшилмоқда.

«Ғул» – жохилият аҳли тасаввуридаги бир жин, улар уни «Турли шаклларга кира олади, одамларни адаштириб, турли балоларга учратади», деган эътиқодни қилишар эди.

Ислом бу нотўғри эътиқодни ҳам рад этди.

— عَنْ أَبِي هُرَيْرَةَ عَنِ النَّبِيِّ قَالَ: لَا عَدُوٌّ وَلَا صَفَرٌ
وَلَا هَامَةٌ فَقَالَ أَعْرَابِيُّ: يَا رَسُولَ اللَّهِ فَمَا بَالُ الْإِلَيْلِ تَكُونُ فِي الرَّوْمَ كَانَهَا
الظَّبَاءُ فِي خَالِطِهَا الْبَعِيرُ الْأَجْرَبُ فَيُحِرِّبُهَا كُلَّهَا قَالَ: فَمَنْ أَعْدَى الْأَوَّلَ.

Абу Хурайра розияллоҳу анхудан ривоят қилинади:

«Набий соллаллоҳу алайҳи васаллам:

«Касаллик юқиши йўқ, сафар йўқ ва бойқуш йўқ», дедилар».

Шунда бир Аъробий:

«Эй Аллоҳнинг Расули, унда туяларга нима бўлган? Қумда худди оҳудек юришади. Битта қўтири түя қўшилиб қолса, ҳаммасини қўтири қилиб юборади?» деди.

«Биринчига ким юқтирган?» дедилар у зот».

Шарх: Гап шу жойда. Агар хасталикни унинг юқиши тарқатадиган бўлса, унинг биринчи пайдо бўлиши ҳақида нима дейилади? «Ҳамма нарса Аллоҳ таолонинг иродаси или бўлади», деган эътиқодга келинмагунича, бу савол занжири узайиб бораверади. Аллоҳ таолога ва Унинг чексиз кудратига, ҳамма нарса Унинг иродаси или бўлишига иймон келтирган кишиларгина «Хасталикнинг биринчи пайдо бўлиши ҳам, унинг юқиши ҳам фақатгина Аллоҳ таолонинг иродаси или бўлади», дедилар.

- وَعَنْهُ عَنِ النَّبِيِّ قَالَ: لَا تُوَرِّدُوا الْمُمْرِضَ عَلَى الْمُصْحَّ. رَوَاهُمَا الشَّاثَةُ.

Яна ўша кишидан ривоят қилинади:

«Набий соллаллоҳу алайҳи васаллам:

«Хастани соғнинг олдига келтирманглар», дедилар».

Иккисини учовлари ривоят қилганлар.

Шарх: Бу ҳадиси шариф тяялар ҳақида айтилган. Пайғамбаримиз соллаллоҳу алайҳи васаллам хаста тяяни олиб келиб, соғ тяяни сугораётган жойда аралаштириб, сүформасликка амр қилмоқдалар. Чунки соғ тяя хаста бўлиб колса, эгаси «Хасталик юқди», деб афсусланиб юради.

- وَعَنْهُ عَنِ النَّبِيِّ قَالَ: لَا عَذْوَى وَلَا طَيْرَةً وَلَا هَامَةً وَلَا صَفَرَ وَفِرْ

مِنَ الْمَجْلُومِ كَمَا نَفَرُ مِنِ الْأَسَدِ. رَوَاهُ الْبَخَارِيُّ.

Яна ўша кишидан ривоят қилинади:

«Набий соллаллоҳу алайҳи васаллам:

«Касаллик юқиши йўқ, қуш билан фол очиш йўқ, бойқуш йўқ ва сафар йўқ. Моҳовдан ҳудди арслондан кочганингдек кочгин», дедилар».

Бухорий ривоят қилган.

Шарх: Ушбу ҳадиси шарифдаги биз «куш билан фол очиш йўқ» шаклида таржима қилган ибора араб тилида «тияра» дейилади. Бу ибора «тоир» – «куш» сўзидан олинган. Ушбу ҳадисни ўқиган кишида «Күшнинг фол очишга нима даҳли бор? Ёки ҳозирги баъзи фолчиларга ўхшаб, кушга хатни тортириб, фол очиш авваллари ҳам бўлганми?» деган савол пайдо бўлиши мумкин.

Куш билан фол очиш жоҳилият даврида бошқача бўлган. Жоҳилият ахлидан бирортаси бир ишни қилиш-қилмаслиқда иккиланиб қолса, кушни қўлида тутиб туриб, учирган. Агар қуш ўнг томонга учса, ўша ишни қилган. Агар чап томонга учса, у ишни қилмаган. Агар қуш тўғрига учса, яна бошқа кушни учирган. Улар бу ишни жуда кўп қилганларидан, умуман, фол очишга ҳам «тияра» ибораси ишлатиладиган бўлиб кетган. Ислом дини буни ҳам рад этди.

Бу фаслнинг ушбу ҳадиси шарифгача бўлган ривоятларининг баъзисида касаллик юқиши йўқлиги, баъзисида касаллик юқишидан эҳтиёт бўлиш кераклиги айтилган бўлса, бу ҳадиси шарифда мазкур икки масала ҳам зикр килинмоқда. Бу билан касалликнинг ўзича юқмаслиги эътиқод масаласи эканлиги, касаллик юқишидан эҳтиёт бўлиш эса динимиз биздан амал қилишни талаб қилган нарса эканлиги таъкидланмоқда.

Моҳов хасталиги ҳам юқумли эканлиги ҳозирда ҳаммага равshan ҳақиқатдир. Исломда эса бу хасталикка учраган одамдан арслондан қочгандек қочиш кераклиги ўн беш аср илгари таъкидланган.

Үрни келганда касалнинг юқишини илмий равища биринчи бор исбот қилганлар ҳам мусулмон табиблар эканлигини айтиб ўтиш бурчимиз, бу ҳақиқатни биз эмас, гарбликлар эътироф қилганларини таъкидлаш эса вазифамиздир.

Олмониялик машхур олима Зигрид Хунке хоним «Аллоҳнинг куёши Европани ёритур» номли китобида қуидагиларни ёзади:

«1348 йилда андалуслик давлат одами ва табиб, Фарнота сultonининг вазири Ибн ал-Хатиб касалликнинг хаста киши орқали юқиши ва тарқалиши ҳақида илмий мантикий рисола ёзди. Унда қуидаги жумлалар бор:

«Касаллик юқишини ва унинг хатарларини ҳамда унинг одамлар бошига келтирадиган ҳалокатларидан сакланиш йўлларини кашф этиш мусулмонларнинг яратувчилик фикри асосида юзага чиқарилган энг буюк қашфиётлардан иккитасидир. Бу билан мусулмонлар томонидан инсоният учун бебаҳо хизмат қилингандир» (275-276-саҳифалар).

Бошқа бир мусулмон табиб, Фарнота (Гренада) қасрида яшаган Ибн ал-Хотийма қуидагиларни ёзган:

«Менинг олиб борган узоқ муддатли тажрибаларим шуну кўрсатадики, ким юқумли хасталикка чалинган шахсга аралашса ёки унинг кийимини кийса, ўша хасталикка дарҳол чалинади. Аввалиг беморда қандай аломатлар бўлса, бунда ҳам ўша аломатлар пайдо бўлади. Биринчи бемор қон туфласа, иккинчиси ҳам қон туфлади. Биринчисига яра чиқкан бўлса, иккинчисига ҳам яра чиқади.

Бундан саксон йил ўтгандан сўнг Европа бирдан касалликнинг юқишини тушуниб қолди. Одамлар беморларни ушлашдан ёки уларга якинлашишдан қочадиган бўлишиди. Ўзларича тумор тақиши бошлашди. Улар ўзларича «Тумор касаллик юқишидан саклайди», деб эътиқод килишар эди. Ҳудди шу эътиқод ила улар хушбўй нарсаларни тутатишга ўтдилар».

- ۳۳۶۲ - وَكَانَ فِي وَقْدٍ ثَقِيفٍ رَجُلٌ مَجْدُومٌ فَأَرْسَلَ إِلَيْهِ النَّبِيُّ إِنَّا

قَدْ بَأْيَعْنَاكَ فَارْجِعْ. رَوَاهُ مُسْلِمٌ.

«Сақийфнинг ҳайъати орасида бир маҳов киши ҳам бор эди. Бас, Набий соллаллоҳу алайҳи васаллам унга «Батаҳқиқ, биз сенинг байъатингни қабул қилдик», деб одам юбордилар.

Муслим ривоят қилган.

Шарх: Яни Пайғамбаримиз соллаллоҳу алайҳи васаллам Сақийф қабиласи номидан у зотни эътироф қилиб, байъат қилгани келган расмий ҳайъатнинг барча аъзолари билан кўришиб, кўл ушлашиб, байъат қабул қилдилар. Аммо эҳтиёт чораси учун мазкур хаста кишини ичкарига киритмадилар ва кўл бериб сўрашмадилар. Факат одам юбориб, хабарни етказиб қўйдилар, холос.

«Ҳадис ва Ҳаёт» китобидан олинди.

Зийнат

(Боши ўтган сонда)

Бошқа жинсга тақлид қилиш ҳақида кўпгина ҳадислар ворид бўлган, улардан:

1. Ибн Аббос розияллоҳу анхумодан ривоят қилинади: «Расулуллоҳ соллаллоҳу алайҳи васаллам: «Аллоҳ хотинчалиш эркакларни ва эркаксифат аёлларни лаънатлади», дедилар» (Бухорий, Абу Довуд ва Термизий ривоят қилишган).

2. Аҳмад, Абу Довуд ва Ибн Можанинг лафзида: «Аллоҳ эркакларга ўхшашга ҳаракат қилган аёлларни ва аёлларга ўхшашга ҳаракат қилган эркакларни лаънатлади».

3. Абу Довуднинг Оиша розияллоҳу анҳодан ривоят қилган лафзида: «Аллоҳ аёллардан ўзини эркакча тутганини лаънатлади», дейилган.

4. Ҳоким Абу Ҳурайра розияллоҳу анхудан ривоят қилиб айтади: «Аллоҳ аёлларга ўхшаб либос кийган эркакларни ва эркакларга ўхшаб либос кийган аёлларни лаънатлади».

Шунга кўра, Расулуллоҳ соллаллоҳу алайҳи васаллам эркак кишининг қўлига хино қўйишини ёқтирулганлар. Чунки у аёлларга хос бўлган ишдир. Шунингдек, эркак кишини аёлларнинг зийнатидан бўлган рангли хушбўйлик или хушбўйланишдан қайтардилар. Абу Ҳурайра розияллоҳу анхудан ривоят қилинади: «Расулуллоҳ соллаллоҳу алайҳи васалламнинг хузурларига оёқ-қўллари хинога бўялган бир хотинчалиш одамни келтиришиди. Шунда Расулуллоҳ соллаллоҳу алайҳи васаллам: «Бунга нима бўлган?» дедилар. «Аёлларга ўхшаб олади», дейишди. Шунда у зот соллаллоҳу алайҳи васалламнинг амрлари билан уни Накийға сургун қилишди. «Эй Аллоҳнинг Расули, уни қатл қилмайсизми?» дейишди. Бас, у зот соллаллоҳу алайҳи васаллам: «Албатта, мен намоз ўқувчишларни қатл қилишдан ман қи-

линганман», дедилар» (Абу Довуд ривоят қилган).

5. Яъло ибн Марра розияллоҳу анҳу:

«Расулуллоҳ соллаллоҳу алайҳи васалламнинг рангли хушбўйлик қўйиб олган кишини кўриб: «Бориб, уни ювиб ташла, сўнгра яна ювиб ташла, сўнгра қайтма», деганларини ривоят қиласи (Термизий ва Насаъий ривоят қилишган).

6. Анас ибн Молик розияллоҳу анҳу ривоят қиласи: «Расулуллоҳ соллаллоҳу алайҳи васаллам эркак кишини заъфарон суришдан қайтардилар». (Бу Мувагтодан бошқасида ривоят қилинмаган).

Термизий: «Эркак кишига заъфарон суришнинг макрухлигининг маъноси у билан хушбўйланишидир», дейди.

Ҳозирги асримизда аёллар одатда пардоз учун ишлатадиган рангли кремларнинг бир неча турлари мавжуд. Шунингдек, лабни, ёноқларни қизартирадиган ва шунга ўхшаш воситалар эркакларга ман қилинган. Бу воситаларни ишлатишда аёллар ҳам маълум меъёр чегарасидан чиқиб кетмасликлари лозим.

Мубоҳ бўлган зийнатда муболагага йўл қўйиш макрухдир. Чунки унда маблағ ва вақтни наф келтирмайдиган нарсага зое қилиш бор. Яна муболагага йўл қўйилган зийнатда ортиқча дабдаба бўлиб, агар инсон унга одатланиб қолса, бошқа ўзи учун зарур бўлган нарсалар ва асосий вазифаларидан машгул қилиб қўяди.

Бунга мисол:

1. Эркагу аёл сочини тараща муболага қилиши макрухдир. Аслида соч тарааш мубоҳ, балки



мандуб амалдир. Абдуллоҳ ибн Муғаффал розияллоҳу анҳу ривоят қиласи: «Расулуллоҳ соллаллоҳу алайҳи васаллам бевақт соч парваришидан қайтарганлар» (Абу Довуд, Термизий ва Насайи ривоят килишган). Шунингдек, Ҳумайд ибн Абдурраҳмон Ҳумайрий раҳимаҳуллоҳ ривоят қиласи: «Расулуллоҳ соллаллоҳу алайҳи васалламга Абу Ҳурайра розияллоҳу анҳу сахоба бўлгани каби тўрт йил сахоба бўлган бир кишини учратдим. У: «Расулуллоҳ соллаллоҳу алайҳи васаллам бизни ҳар куни соч тарашдан қайтардилар», деди». (Насайи ривоят қилган).

Абдуллоҳ ибн Бурайда раҳимаҳуллоҳ ривоят қиласи: «Набий соллаллоҳу алайҳи васалламнинг асҳобларидан Убайдадан деган бир киши: «Расулуллоҳ соллаллоҳу алайҳи васаллам «кўп ирфоҳ»дан қайтарар эдилар», деди». Ибн Бурайдадан “ирфоҳ” ҳакида сўралганида: «Соч парвариши», деди» (Насайи ривоят қилган).

Албатта, бу бугунги кунда аёллар ғарқ бўлаётган нарсанинг айни ўзири. Улар соч парвариши, пардози ва турмаклари учун кунига бир неча соатларини сарфлаб юборишади. Кўпинча бу ишлар диний ва ижтимоий вазифалар ҳисобига бўлиши айниқса ачинарлидир, бундан ҳар биримиз огоҳ бўлишимиз лозим.

2. Қарилликни яшириш учун оқ сочни юлиш, тишларнинг орасини очиш, қошни “мўйчанак” билан юлиш ман қилинган. Бу нарсаларда зийнатда чукурлашиш, хилқатни ўзгартириш бордир. Бу ҳакда кўпгина ҳадислар келган. Улардан бири Ибн Масъуд розияллоҳу анхудан ривоят қилинган ҳадис бўлиб, унда: «**Аллоҳ ҳусн учун вашм қилувчи аёлларни, вашм қилдирувчи аёлларни, мўйчанак ила терувчи аёлларни, мўйчанак ила тердирувчи аёлларни ва тиши орасини очувчиларни, Аллоҳнинг яратганини ўзгартирувчиларни лаънатласин**», дейилган (Бухорий ва Муслим ривоят қилганлар).

Шунингдек, Амр ибн Шуъб раҳимаҳуллоҳ отасидан, у отасидан ривоят қиласи:

«Расулуллоҳ соллаллоҳу алайҳи васаллам: «Оқ сочни юлманглар, кайси мусулмоннинг биргина сочи Исломда оқарган бўлса, қиёмат куни унга нур бўлур», дедилар». Бошқа бир ривоятда: «Аллоҳ унга (оқ сочга) бир ҳасана ёзур, ундан бир гуноҳни ўчирур», дейилган (Абу Довуд ривоят қилган). Муслим ва Насайилар ҳам шунга ўхашаш ривоят келтиришган.

Агар оқ соchlар бошнинг кўп қисмини эгаллаган бўлса ёки сочнинг ҳаммаси оқариб кетган бўлса, у ҳолда сочни қорадан бошқа рангги бўяш жоиз, балки мандубдир. Аёлларнинг соchlарини қора рангга бўя-

ши хусусида фуқаҳолар ўртасида хилоф бор. Аммо эркакларга қорага бўяш ман қилинган.

3. Аёл киши зийнатланишда ортиқча тилла тақинчоқлардан фойдаланиши ва бунда ўзига ўҳшаган аёллар одатланган мўътадиллик чегарасидан чикиши. Унга ўхашаш аёллар орасида ўн мисқол тилла билан зийнатланиш одат бўлса, йигирма мисқол ила зийнатланиш ҳаром бўлади. Агар йигирма мисқол тилла билан зийнатланиш одат бўлса, ўттиз мисқол ила зийнатланиш ҳаром бўлади. Бу исрофга йўл қўйиш ва зийнатда муболага бўлганлиги учундир. Камроғи унда фойда бўлгани учун аёлнинг зийнати учун мубоҳдир. Бу ҳакида кўпгина ҳадислар ворид бўлган бўлиб, улардан бири Абдуллоҳ ибн Умар розияллоҳу анхумо ривоят қилган ҳадисдир. У киши: «Расулуллоҳ соллаллоҳу алайҳи васаллам тилланинг кийимга аралаштирилганидан бошқасини кийишдан қайтарганлар», деган. (Насайи ривоят қилган).

4. Хилқатни бузиб, одобга тўғри келмайдиган нарса ила зийнатланиш. Қараъ шулар жумласига киради. Бу бошнинг четларини қириб, ўртасидан озгина сочни ўстириб қўйишдир. Бу хулқни бузишга сабаб бўлувчи ишлардан бўлиб, жоҳилият даврида аъробийлар ичидаги кенг тарқалган эди. Ҳозирги асримизда ҳам баъзи бадавийларда бу одат давом этмоқда. Ибн Умар розияллоҳу анхумонинг мавлоси Нофэйнинг Ибн Умардан ривоят қилган ҳадисида бу ишдан қайтарилган. Унда: «Расулуллоҳ соллаллоҳу алайҳи васаллам қараъдан қайтардилар», дейилган. Бошқа бир ривоятда айтилади: «Шунда: «Қараъ нима?» дейилди. Бас, Абдуллоҳ ибн Умар розияллоҳу анхумо ишора қилиб: «Агар ёш боланинг сочи олинса, бу ери қолдирилади», деб Абдуллоҳ бошининг четларини кўрсатди. Убайдуллоҳга: «Қиз боланинг-чи?» дейилди. У: «Билмайман», деди» (Бухорий ва Муслим ривоят қилган).

Ҳозирги асримизда хилқатни бузиб, тўй-танталарапда танимайдиган даражада зийнатланадиган (буни зийнат деб ҳам бўлмайди) жоҳилларнинг иши ҳам юқорида санаб ўтилган, Расулуллоҳ соллаллоҳу алайҳи васаллам ман қилган ишлардандир. Бу билан улар ўзларидаги Аллоҳ таоло ҳалқ қилган зийнатларни, гўзалликни топтаб ташламоқдалар. Яна улар ўзларининг бу ишларини санъат даражасига кўтариб, «макияж» деган ном остида бутун дунёга тарқатиб, кўз-кўз қилмоқдалар. Валлоҳу аълам.

*Доктор Аҳмад Ҳажжий Курдий «Ислом фикҳидаги аёлларга оид ҳукмлар» китобидан.
Одинахон Муҳаммад Содик қизи таржимаси.*

*Барча ҳамду санолар Аллоҳга хосдир.
Биз У Зотга ҳамд ва истигфор айтамиз.
Ундан ёрдам сўраймиз. Нафсимизнинг
шумлигидан ва амалларимизнинг ёмонли-
гидан Унинг йўзидан паноҳ сўраймиз. Ал-
лоҳ ҳидоят қилган кимсани адаштирув-
чи, адаштирган кимсани ҳидоят қилувчи
йўқдир. Мен ягона, шериксиз Аллоҳдан
йўзга ҳақ илоҳ йўқ, Унинг ўхшиши, тенги ва
мисли йўқдир, деб ва Мухаммад соллалло-
ху алайҳи васаллам Унинг бандаси, элчиси,
ҳалили, халқлари ичидан танлаб олган ва
Ўз ваҳийисига ишонган аминидир, деб гу-
воҳлик бераман.*

Мўмин кишини Аллоҳга яқин қиласидан улуғ ибодат, шубҳасиз, намоздир. Намоз – Ислом динининг иккинчи устуни бўлиб, Аллоҳга ва Расули соллаллоҳу алайҳи васалламга иймон келтирган ҳар бир мўмин банда учун фарзи айнди. Бу улуғ ибодат жаннат қалити бўлиб, Пайғамбаримиз соллаллоҳу алайҳи васаллам меърожга чиққан кечада биз, бандалар зиммасига фарз қилинган ибодатдир. Ўша кечада Пайғамбаримиз соллаллоҳу алайҳи васаллам Байтул Мақдисдан осмонга, меърожга олиб чиқилдилар. У ерда Аллоҳ таоло бандалари учун эллик вақт намозни фарз қилди. Пайғамбаримиз соллаллоҳу алайҳи васаллам қайтаётиб, Мусо алайхиссаломга учрадилар ва у киши: «Нима қилдинг?» дедилар.

«Менга эллик (маҳал) намоз фарз қилинди», дедилар. У:

«Мен одамларни сендан яхшироқ биламан. Бану Исроил билан (уларни тўғрилаш учун) қаттиқ шуғулланганман. Сенинг умматинг ҳам тоқат қила олмайди. Роббинг хузурига қайтиб, Ундан (енгиллатишини) сўра», дедилар.

Сўнгра Пайғамбаримиз соллаллоҳу алайҳи васаллам Аллоҳдан намозни енгиллатишини сўрадилар. Аллоҳ таоло бир оз енгиллатди. Расууллороҳ соллаллоҳу алайҳи васаллам қайтаётиб, яна Мусо алайхиссаломга дуч келдилар. Мусо алайхиссалом яна аввалги гапни айтдилар. Шундай қи-



МЎМИННИНГ ҒАМИ – НАМОЗ

либ, бу ҳол бир неча бор тақрорланди. Аллоҳ таоло намозни беш вақтгача қисқартирди. Мусо алайхиссалом яна қайтишни тақлиф қилдилар. Шунда Пайғамбаримиз соллаллоҳу алайҳи васаллам:

“Роббимдан уялиб кетдим”, деб бошқа қайтиб бормадилар.

Аллоҳ таоло: «Булар ўзи бешта, аммо (савобда) элликтадир! Менинг ҳузуримда сўз ўзгартирилмас!» деб марҳамат қилди.

Ушбу беш вақт намозни муҳофаза қилиб, ўз вақтида ўқиган бандаларни Аллоҳ азза ва жалла жаннатга киритишга аҳд берган. Беш вақт ўқилган намоз гуноҳларни ювади ва кишини гуноҳ қилишдан тўсади.

Абу Ҳурайра розияллоҳу анҳудан ривоят қилинади:

“Набий соллаллоҳу алайҳи васаллам: “Айтинглар-чи, агар бирингизнинг эшигингиз олдиди анҳор бўлса, у ўшанда ҳар куни беш маҳал ювинса, унинг киридан бирор нарса қоладими?” дедилар. “Унинг киридан хеч нарса қолмайди”, дейишиди. У зот соллаллоҳу алайҳи васаллам: “Ана шунга ўхшаб, Аллоҳ таоло беш вақт намоз ила ҳатоларни ювади”, дедилар».

Мўмин киши ҳар доим намознинг ғамида бўлади. Фақат бомдод намозини ўқиш билан кифояланмайди. Қандай ҳолат ва маконда бўлмасин, намозларини тўла-тўқис адо этишга ҳаракат қиласи. Сафарга чиқар экан, таҳорат, намоз ва бошқа шаръий аҳкомларни мукаммал эгаллайди. Ҳаттоки бозор-ўчарга чиқишдан олдин ҳам намоз вақтларини ҳисобга олади. Бирор юмуш билан кўчага чиққанида ҳам имкони борича намоз вақтлари бир-биридан узоқ бўлган пайтни танлайди. Эркакларда кўчада кетаётгандардан намоз вақти бўлиб қолса, масжидларга кириб ўқиш имконияти бор. Аёллар эса уйларига қайтиб келгунларича намоз вақтлари ўтиб кетиши мумкин. Шунинг учун улар куннинг намоз вақтлари бир-бирига яқин бўлган пайтида кўчага чиқмаганлари маъқул.

Азиз опа-сингиллар! Намозларимизга жиддий эътибор қаратайлик. Аксарият опа-сингилларимиз бу улуғ ибодатга эътиборсиз бўлмоқдалар. Азиз опа-сингилларим, авратларингизни номаҳрамлардан тўсибсиз, Аллоҳ юзларингизни нурли қилсин. Охиратда саодатли бандалардан



бўлинг. Аммо фақат ҳижоб кийишининг ўзи кифоя эмас. Беш вақт намозни ўз вақтида адо этиш ҳар бир мусулмон ва муслимага фарзdir. Ҳатто намознинг фарзлик даражаси ҳижобдан устун туради. Ҳижоб киймаган, авратларини харомдан тўсмаган аёл қаттиқ гуноҳкор бўлади. Намоз ўқимаган-чи? Намоз ўқимаганга Аллоҳ таолонинг қаттиқ ваиъллари бор. У Зот Муддассир сурасида дўзахийларнинг ҳолатини шундай баён қиласи:

“Сизларни оловга нима киритди? Улар дерлар: “Намоз ўқийдиганлардан бўлмаган эдик” (Муддассир 42,43-оятлар).

Намоз билан иймон ажралмас нарсалардир. Бу оят мусулмон кишининг ҳаётида намознинг аҳамияти ниҳоятда улкан эканига далолатдир.

Фарз намозларни ўз вақтида ўқиш қатъий лозимдир. Кимки намознинг вақтини узрсиз ўтказиб юборса, гуноҳи кабиралардан бирини қилган бўлиб, қаттиқ гуноҳкор бўлади.

إِنَّ الْمُصَلَّةَ كَانَتْ عَلَى الْمُؤْمِنِينَ كَتَبَ اللَّهُ مُؤْمِنُكُمْ

«Албатта, намоз мўминларга вақти тайин фарз бўлгандир» (Нисо сураси, 103-оят)

Демак, намозни ўз вақтида ўқиш мўминлар учун фарзи айнди. Мўмин бўлмаганларга, жаннатни умид қилмайдиганларга намоз ўқиш ҳам фарз эмас.

Уламолар ичida «Намоз ўқимаган кишининг иймони шубҳалидир», деганлари ҳам бўлган. Шундай экан, намозимизни муҳофаза қилиб, ўз вақтида тўла-тўқис адо этайлик. Зоро, қабрда ҳам, маҳшарда ҳам намоз ҳақида сўраламиз. Намозимиз дуруст бўлса, қолган амалларимиз ҳам дуруст бўлади.

Аллоҳ таоло барчамизни ҳидоят қилиб, Ўзи адаштирмасин! Омин!

Майитни чиқарии

Савол: Ассалому алайкум, Шайх Ҳазратлари! Майит чиқарилаётган кўплаб хонадонларда сервант, ойна, телевизор кабиларни чойшаблар билан ёпиб қўйишади. Шу нарса динимизда борми ёки бидъатми?

Жавоб: Бу нарсалар бидъат.

«Бегойи жума»

Савол: Ҳурматли устоз, саволим қуйидагича:

Ўзим Бухоро шаҳриданман. Бизнинг юртимизда одам вафот этганидан кейинги иккинчи ёки учинчи кунни «бегойи жума» деб аташади. Баъзан бизни ҳам ўшандай маросимга таклиф этишади. Устоз, бу маросим бидъат эмасми? Биз қатнашсак ва ёзилган дастурхондан тановул қилсак бўладими?

Жавобингиз учун аввалдан раҳмат. Аллоҳ рози бўлсин!

Жавоб: Бу бидъатдир. Дафндан кейин тўлиқ уч кун ўтмагунча, маросим қилиб бўлмайди.

Сафар ойида совчилик

Савол: Ассалому алайкум.

Сафар ойида қизнинг уйига совчиликка бориб, “нон синдириш”, яъни келишиб қў-

йиш дуруст эмас, деган фикрлар бор. Илтимос, мана шунга фикрингизни билдирангиз. Раҳмат.

Жавоб: Бу гапга ҳеч қандай асос йўқ.


Умра

Савол: Устоз, бир домла «Йил буйи умра қилиш мумкин, фақатгина 4 кун умра зиёратини қилиб бўлмайди», дедилар. Булар Ийди Қурбондан бир кун олдин, Арафа куни ва уч кун Қурбонлик кунлари экан. Бу кунлар фарз ва вожиб амалларини қиласиган кунлар экан. Шу саволга аниқлик киритсангиз. Жавоб учун олдиндан раҳмат. Аллоҳ илмингизни зиёда қилсин.

Жавоб: Умранинг белгиланган вақти йўқ.

«Қурайш ва унинг динини тутганлар ҳаж ойларидаги умрани ер юзидағи энг катта бузукликлардан бири деб билар эдилар. Улар Сафар (оий)ни ҳаром (оий)ларидан қиласиган эдилар ва «Қачонки тұннинг яраси битса, излар йўқолса, сафар оий тугаса, умра қилувчига умра ҳалол бўлади», дер эдилар.

Набий соллаллоҳу алайҳи васаллам ва у зоттинг саҳобалари түртінчи куни эрталаб эхром боғлаб, ҳажга келдилар. У зот уларга уни умра



килишни буюрдилар. У (иш) уларга катта бўлиб кўринди ва:

«Эй Аллоҳнинг Расули! Ҳалолликнинг қай бири?» дейишиди.

«Ҳалолликнинг барчаси», дедилар».

Учовлари ривоят қилганлар.

Улар Сафар ойини ҳаром ойларидан бирига айлантириб олар эдилар. Яъни, Сафар ойини Мұхаррам ойи ўрнига ҳаром ойлардан деб эълон қиласр эдилар. Жоҳилият аҳлиниң бунга ўхшаш ўзларича жорий қилиб олган ишлари жуда ҳам кўп эди. Шундай ишлардан бири – уларнинг ҳаж ойларидаги умрани ер юзидағи энг катта бузукликлардан бири деб билишлари эди.

Ислом жоҳилиятнинг барча бузукликларини тузатди. Жумладан, умрани ҳар доим қилиш мүмкінligини жорий қилди. Пайғамбар соллаллоҳу алайҳи васаллам видолашув ҳажида саҳобаи киромлардан қурбонлик ҳайдаб келмаганларига ҳаж ниятларини умрага айлантиришни маслаҳат бердилар.

Яна ўша кииидан ривоят қилинади:

«Набий соллаллоҳу алайҳи васаллам:

«Бу умра билан ҳузурландик. Кимнинг ҳузурида қурбонлиги бўлмаса, бутунлай эхромдан чиқсин. Бас, умра қиёмат қунигача ҳажнинг ичига кирди», дедилар».

Муслим ва Термизий ривоят қилганлар.

Яъни, қиёматгача ҳаж кунларида ҳам умра қилишга рухсат берилди.

Мұхарриш ал-Қаъбий розияллоҳу анхудан ривоят қилинади:

«Расууллоҳ соллаллоҳу алайҳи васаллам кечаси Жаъронадан умрага чиқдилар. Маккага кечаси кирдилар. Умраларини тамомлаб, ўша кечаси Жаъронада худди у ерда тунағандек тонг оттирдилар».

«Сунан» эгалари ривоят қилганлар. Имом Термизий ҳасан, деган. Бу унинг лафзидир.

Бу ривоятдан умрани кеча ёки кундузниң тўғри келган вақтида қилавериш мүмкінлиги келиб чиқади. Дарҳақиқат, умранинг чегараланган вақти йўқ. Бу ибодатни қачон қилса ҳам бўлаверади.

Дастурхондаги пичоқ

Савол: Овқатланиб бўлгандан сўнг тиловат пайтида дастурхон устида турган пичоқни олиб

қўйишиади. Мен бир сафар олдимда турган пичоқни олиб қўймаган эдим, озгина койиган бўлишиди. Аниқ бир нарса билмаганим учун индай олмадим. Устоз, бу ҳолатда нима қилиш керак?

Жавоб: Бу бидъатдан бошқа гап эмас.

Пайғамбаримиз алайҳиссалом ҳақларида

Савол: Қадрли Шайх Ҳазратлари! Кўрсатган ҳимматингиз учун ташаккурлар. Ушбу саволга бобомиз айнан ўзингиздан жавоб олмоқчилар. Пайғамбаримиз соллаллоҳу алайҳи васаллам милодий 571 йилда туғилганлар, 622

йили ҳижрат қилганлар ва ҳижратнинг ўн биринчи йили, яъни 62 ёшларида вафот этганлар. Шу туғрими? Олдиндан катта раҳмат. Нишонлик Муллаҳудоёр бобономидан.

Жавоб: Пайғамбар алайҳиссаломнинг туғилишлари – Фил йили, 12-Рабиул аввал. (милодий 570 сана. 20 апрель) Пайғамбар алайҳиссаломнинг Мадинаға ҳижратлари – пайғамбарликнинг ўн тўртинчи йили, Сафар ойи – Ҳижрий 1-сана.

Пайғамбар алайҳиссаломнинг вафотлари – Ҳижрий 11-сана, 2-Рабиул аввал. У зот 63 ёшда вафот этганлар.

«Татуаж» ҳақида

Савол: Ассаламу алайкум, Ҳазрат. Бир танишманинг илтимоси билан савол сўрамоқчи эдим. Унинг айтишича, лабининг чети аллергиянинг асорати туфайли хунук ҳолга келган, лекин ўзим кўрмадим. У лабининг шаклини тикиш мақсадида татуаж қилдириши мумкинми? Бирор унга «Эри рухсат берса мумкин», деб айтибди (унинг эри йўқ). Мен: «Иғнада терига ранг бериб, татуаж қилинса, таҳорат ўтмайди-ку», деб айтган эдим, сиздан шу ҳақда сўраб беришимни илтимос қилди. Ҳазрат, лабига шакл бериш мақсадида татуаж қилдириш мумкинми? Аллоҳ рози бўлсин.

Жавоб: Таҳоратга ҳалал бергани учун мумкин эмас.

«Зикр аҳлидан сўранг» саҳифасидан олинди.

ҲАЗРАТИ САВДА БИНТИ ЗАМЬА РОЗИЯЛЛОХУ АНХО

Пайғамбаримиз соллаллоҳу алайҳи васаллам ҳазрати Ҳадийжа онамиздан сўнг никоҳларига олган илк аёллари ҳазрати Савда бинти Замъя онамиз эдилар. Савда онамизнинг оталари Замъя ибн Қайс ибн Абд Шамс ибн Абд Вудд ибн Амир ибн Луай ибн Ғолиб, оналари эса аш-Шамус бинти Қайс ибн Амр ибн Зайд ибн Лабид ибн Хидаш ибн Амира бану Ади ибн ан-Нажжар қабиласидан эди. Савда онамиз дастлаб амакиларининг ўғли Сакрон ибн Амрга турмушга чиққанлар. Икковлари Исломни қабул қилиб, Ҳабашистонга ҳижрат қилганлар ва саккиз муҳожирнинг сафидан жой олганлар. Сакрон ибн Амр бетоб бўлиб вафот этган.

Пайғамбаримиз соллаллоҳу алайҳи васаллам Ҳадийжа онамизнинг вафотларидан бир неча йил кейин, Тоифдан ниҳоятда таъсирланган ҳолда қайтган эдилар. Савда онамизга уйланишлари ана шундай вақтга тўғри келган.

Мўмина аёллардан Ҳавла бинти Ҳаким розияллоҳу анҳо Набий соллаллоҳу алайҳи васалламнинг номларидан Савда онамизга совчи бўлиб борганлар. Савда онамиз оталарининг розиликлари билан Пайғамбаримиз соллаллоҳу алайҳи васалламга турмушга чиқиб, маҳрга тўрт юз дирҳам олганлар. Ўшанда Рамазон ойи бўлиб, пайғамбарликнинг ўнинчи йили эди.

Бу никоҳдан маккаликлар таажжубланадилар. Чунки Савда онамизнинг ёшлари анча ўтиб қолган, унчалик чиройли ҳам эмасдилар, яна Ҳадийжа онамиздан кейин... Лекин Пайғамбаримиз соллаллоҳу алайҳи васаллам қўйинчиликда қолган бева аёлни ўз химояларига олдилар. Мўминларнинг онаси Савда розияллоҳу анҳо ҳам зиммаларидағи масъулиятларини адо этишга сидқидилдан киришиб, Расуллороҳу соллаллоҳу алайҳи васалламнинг етим қолган фарзандлари тарбияси билан шуғулландилар.

Савда розияллоҳу анҳо итоатли, Расуллороҳу сююкли, ҳазилкаш аёл эдилар.

Ибн Саъд раҳматуллоҳи алайҳи «Тобақот» номли машхур китобларида бу борада қўйидаги ривоятни келтирадилар:

«Савда розияллоҳу анҳо Расуллороҳу соллаллоҳу алайҳи васалламга: «Эй Аллоҳнинг Расули, кечадортиңизда намоз ўқидим. Шунчалар рукуъ қилдингизки, қон оқиб кетмасин, деб бурнимни ушлаб тур-

дим», деди. Расуллороҳу соллаллоҳу алайҳи васаллам кулдилар. У аҳён-аҳёнда Расуллороҳу соллаллоҳу алайҳи васалламни кулдириб турар эди».

Шу тарзда уч йил ўтди. Савда бинти Замъя онамизнинг хонадонларига Оиша онамиз кириб келгандаридан кейин ҳам ҳазил-мутойибани тарқ этмадилар. Пайғамбаримиз соллаллоҳу алайҳи васаллам хонадонларига бошқа аёллари бирин-кетин кириб кела бошлашди. Бироқ бу ҳол Савда бинти Замъя онамизнинг ўз ўринларини йўқотишларига сабаб бўлмади. У киши ўз ўринларини йўқотмасдан, ҳар кимга ўзига яраша муомала қилиб боравердилар.

Оиша розияллоҳу анҳодан ривоят қилинади: «Мен Савдадан бошқа тутими ва сийратида ўзимга ёқадиган, унга ўхшаш аёлни кўрмадим. У ёши катта бўлганда: «Эй Аллоҳнинг Росули, сиздаги ҳаққим бор кунимни Оишага бердим», деди. Бас, Расуллороҳу соллаллоҳу алайҳи васаллам Оишага икки кун – ўз кунини ва Савданинг кунини тақсим қиласар эдилар».

Аллоҳ таолонинг изни ила Набий соллаллоҳу алайҳи васаллам ҳижрат қилганларида Савда бинти Замъя онамиз ҳам қизларини олиб, у зотнинг ортларидан ҳижрат қилдилар. У ерда ҳам Пайғамбаримиз соллаллоҳу алайҳи васалламнинг хонадонларини бошқариб турдилар.

Бадр жангидаги кариндошлари Суҳайл ибн Амр асир тушганда, соддадиллик билан Пайғамбаримиз соллаллоҳу алайҳи васалламга қилган ишоралари туфайли шаръий қоидаларга яна бир қоида – асирларга яхшилик қилиш қўшилган. Савда онамиз бетакрор хислатлари, художўйликлари, сахийликлари билан ажралиб турардилар. Умар розияллоҳу анҳу у кишига бир ҳалта дирҳам юборганларида, ҳаммасини тарқатиб юборганлар. Ғазотда иштирок этиб, Ҳайбарнинг фатҳ қилинишига гувоҳ бўлганлар.

Ҳазрати Савда Расули Ақрам соллаллоҳу алайҳи васалламдан кейин, ҳазрати Умар розияллоҳу анҳунинг халифалик даврларида вафот этганлар. Бу пайтда улар чамаси саксон ёшда бўлганлар. Савда онамиз Расуллороҳу соллаллоҳу алайҳи васаллам дан бешта ҳадис нақл қилганлар, бу ҳадислардан бирини Имом Бухорий ривоят қилган. Аллоҳ таоло у кишидан рози бўлсин! Омин.

Аллоҳ таоло инсонни Ўзининг барча маҳлутлари ичида энг гўзал суратда яратган. Унинг аъзоларидан бири тилдир. Инсон тили билан атрофдагиларга яхши гаплар айтиши, хушхабарлар етказиши, аксинча, худди мана шу тили билан ғийбат, чакимчилик қилиши, ёлғон сўзларни айтиши, шак-шубҳали хабарларни етказиши мумкин.

Аёллар орасида бир гапни эшитиб олиб, унинг тўғри ёки нотўғрилигини билмай туриб, бошқаларга етказиш ҳоллари кўп учрайди. Бу гапларнинг кўпчилиги асосан миш-мишлардан, асоссиз гап-сўзлардан иборат бўлади. Бундай асоси бўлмаган гапларнинг тарқалиши аксарият ҳолларда атрофдагилардан ёмон гумонда бўлишга, айби йўқ кишиларга тухматлар ёғилишига, кишилар ўртасида адоватнинг кучайишига сабаб бўлади. Шошқалоқлик, бадгумонлик, ғийбат, тухмат каби иллатларга енгил қараш ана

Аллоҳ таоло Ҳужурот сурасида: «Эй иймон келтирганлар! Кўп гумонлардан четда бўлинглар, чунки баъзи гумонлар гуноҳдир. Жосуслик қилманлар...» деган (12-оят).

Ёмон гумондан четда бўлиш учун доимо кишилар ҳақида яхши гумонда бўлишга, улар ҳақида етган хабарларни яхшиликка йўйишга ҳаракат қилиш лозим.

Тилдан келадиган оғатлар жуда кўп ва турли-тумандир. Улар кўнгилларни хира қиласи. Ҳатто инсонлар орасидаги оила, силаи раҳм, дўстлик каби ришталарнинг узилиб кетишига сабаб бўлади. Бу оғатлардан қутилишнинг энг осон йўли жим туришдир. Ўрни келганда ҳар хил гапларни гапиравермасдан жим туриш ҳам улуғ фазилатдир.

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам: «Ким

БАДГУМОНЛИКДАН САҚЛАНИНГ

шундай нохуш оқибатларга олиб келади. Агар яхшилаб суриштирилса, бу гапларнинг аксарияти нотўғри бўлиб чиқади.

Абу Ҳурайра розияллоҳу анҳудан ривоят қилинади:

«Расууллоҳ соллаллоҳу алайҳи васаллам: «Бадгумонликдан сақланинг. Албатта, бадгумонлик энг ёмон ёлғончиликдир. Пойлаш ва жосуслик билан шуғулланманг. Ўзаро рақиб бўлманг ва ўзаро ҳasad қилманг. Бир-бирингизни ёмон кўрманг ва бир-бирингизга қарши тадбир қилманг. Аллоҳнинг бандалари, биродар бўлинглар», дедилар».

Ўйлаб кўрилса, ўзаро низолар ва келишмовчиликлар кўп ҳолларда бир-бошқалардан ёмон гумонда бўлиш оқибатида келиб чиқади.

Аллоҳ ва охират кунига иймон келтирган бўлса, яхши гап айтсан ёки жим турсин» дедилар».

Ибн Амрдан ривоят қилинади: «Ким сукут сақласа, нажот топади».

Аллоҳнинг ҳузурида нажот топиш учун Пайғамбаримиз соллаллоҳу алайҳи васалламнинг суннатларига амал қиласи. Аёлларга хос бўлган тил оғатларидан сақланишга ҳаракат қиласи. Бадгумонлик иллатидан четланайлик.

Роббим барчаларимизга ширинсўз ва хусни хулқли муслималар бўлишимизни насиб этсин!

Дилафруз тайёрлади.

Замонамиз тарихчиси бўлмиш Турғун Файзиевнинг “Темурий маликалар” деб номланган илмий-оммабоп асарларида мақолалардан бериб, сизларни таништиришга ижозат бергайсиз.

Сароймулхоним мўғул хони Қозонхонинг қизи бўлиб, 1341 йилда туғилган. Отаси қатл қилинганда у беш ёшда эди. 1355 йилда (14 ёш) Мовароуннаҳр ҳукмдори амир Гозиҳоннинг набираси амир Ҳусайн уни никоҳига олди.

Амир Темур 1370 йилдаги жангда амир Ҳусайнни енгиб, ҳукмронликни ўз қўлига олди. Шундан сўнг уч ой идда муддати ўтгач, саройнинг баъзи бекаларини Амир Темур ўз никоҳига олди. Улар орасида Сароймулхоним ҳам бор эди. Сароймулхоним мўғул хонининг қизи эди. Шунинг учун ҳам Амир Темур “кўрагон” (мўгулча «куёв» дегани) унвонини олди. Малика бошқа маликалардан фарқли ўлароқ, “Катта хоним” ёки “Бибихоним” деган унвонга ноил бўлди, чунки у ақл-заковатда, дид-фаросатда ва хуснда ҳам беназирлиги, фикр доирасининг кенглиги билан ажralиб турарди. Мамлакатнинг сиёсий-ижтимоий, иқтисодий ва маданий ҳаётидан хабардор бўлиб, доно маслаҳатлари билан қатнашган, Амир Темур унинг маслаҳатлариға ошкора бўйсунмаган бўлса-да, инобатга олган.

Соҳибқироннинг ҳарбий юришларида Сароймулхоним ҳам кўпинча бирга борган. Нақл қилишларича, Амир Темур Эронга юриш қилганида, Исфаҳоннинг қамали кўпга чўзилиб,

озуқа маблағи камая бошлаган, шунда Самарқандга қисқагина мактуб жўнатилган. Унда “Кўшиннинг заҳираси тугади, хазинадан зар юборинг”, деб ёзилган эди. Уни ўқигач, мактубнинг орқасига “Зарингиз тугаган бўлса, сиёсатингиз ҳам тугадими?..” деган жавоб хати ёзиб жўнатишган. Амир Темур хатнинг мазмунини ўйлаб-ўйлаб, бир қарорга келган. Шу куни ёқ лашкаргоҳда сўйиб ейилган молларнинг суякларини йиғдирган ва турли ҳажмда кестирган, пўлатни қиздириб, катта суякларга катта қиймат, кичик суякларга кичик қиймат муҳрини бостирган. Уларни муваққат (вактинчалик) пул ўрнида муомалага киритишга фармон берган, натижада қўшни шаҳар ва қишлоқлардан озиқовқат сотиб олишга эришган. Исфаҳон шаҳри таслим бўлгач, суяк пуллар зарига алмаштирилган.

*Нозима
тайёрлади.*

Ассалому^а аляйкум азизлар!



СЕХР ВА ФОЛБИНЛИККА ИШОНИШ ИЙМОННИНГ ЗАИФЛИГИДАН

Хозирги кунда кишиларимиз орасида кўп учрайдиган, шариатга тўғри келмайдиган – фолбинга фолочтириш, ўқитиб, иссик-совук килиш, бировнинг йўлини «очиб юбориш», яна бировникини «беркитиб кўйиш», «мушкул кушот» ўқитиб, мушкулни осон килиш, тугун оши қилиб, тугунларни ечиб юбориш, Худо йўлига холвайтар пишириб, «эҳсон» қилиш, чилтон суви ичиш, «боболар»га (««Боболар» кимлар?», «Чилтон суви нима?» деб сўрасангиз, ўзлари ҳам билишмайди) атаб жонлик сўйиш каби иллатлар ниҳоятда урчиб кетди.

Аслида бундай нарсалар борми, уларга ишониш керакми-йўқми, деган саволлар кишилар ўртасида тез-тез қулоққа чалиниб туради. Биз ушбу саҳифада бу нарсалар ҳақида диний таълимотларда келган баъзи маълумотларни эътиборингизга ҳавола этамиз.

«Сехр» сўзи лугатда ҳар бир чиқиб келган жойи дақиқ ва латиф, сабаби маҳфий бўлган нарсага ишлатилади. Сехр – ботил нарсанинг ҳақ суратда кўришидир. Яъни бирор нарсани одамларнинг кўзига унинг ҳақиқатидан бошқача қилиб кўрсатишдир.

Расулуллоҳ соллаллоҳу алайҳи васаллам пайғамбар бўлиб келишларидан олдин сеҳрнинг баъзи турлари мавжуд бўлган. Олдинги фолбинлар, коҳинлар баъзи нарсаларни, яъни олдин бўлиб ўтган нарсаларни жинлар ёрдамида билишган. Жинлар осмонга чиқиб, фаришталарнинг гапларини эшитиб, уларни фолбинларга етказишган. Фолбинлар бу маълумотларга ўзларидан кўшиб, ғайбни биладигандек қилиб сўзлаб беришган. Ёки одамлари келиб, айтиб берганини рўкач қилишган. Пайғамбаримиз алайҳиссалом келганларидан кейин жинлар осмонга аввалгидек ғайб хабарларини ўғриликча эшитиш, кишилар тақдирини билиш учун кўтарилганларида тамоман бошқа ҳолатга дуч келганлар, уларни юлдузлардан отилиб чиқсан учкунлар қувладиган бўлган. Шундай қилиб улар ҳеч нарсани била олмайдиган бўлишган.

Баъзилари кишиларни алдашга шунчалик уста бўлишганки, ҳатто арқонларни илонга айлантиргандек қилиб кўрсатишган. Ёки кушни сўйиб, кейин уларни тирилтиришган. Аслида эса уларнинг арқонлари те-

ридан бўлиб, уни симоб билан тўлдиришган. Сўнг ерни кавлаб унинг ичини чўғ билан тўлдиришган ва арқонларини у ерга отишган. Симоб қизиб, арқонлар қимирлай бошлаган ва илонга ўхшаш ҳаракатлар қилган.

Кушни тирилтиришда ҳам сеҳргарлар ҳийла ишлатишган. Аслида уларда иккита қуш бўлган. Бирини беркитиб, иккincinnisinи сўйган ва худди иккincinnisi тирилгандек қилиб кўрсатиб, тиригини учирishган. Бундай нарсаларни кўрган одамлар уларни кўкларга кўтаришган.

Хозирга келиб сеҳрнинг турли хиллари чиқиб кетган. Улар ҳам худди аввалгиларига ўхшаш ёлғоняшиқлардан иборатдир. Ғайб илмини ҳеч ким била олмайди, уни факат Аллоҳ таолонинг Ўзи билади. Баъзиларга жин тегиши ёки «иссик-совук» таъсир қилиши мумкин. Лекин буларнинг барчаси факат Аллоҳнинг изни билан бўлади. Чунки Аллоҳ ҳар бир нарсанинг риоясини қилувчи Зотдир. «Иссик-совук» кўп ҳолларда ибодатсиз, намоз ўқимайдиган ва ҳар турли бидъат-хурофотларга жуда қаттиқ ишонадиган, буларнинг ҳаммаси Аллоҳдан эканига қаттий ишонмайдиган одамларга таъсир қиласи. Буларнинг олдини олиш учун доимо Аллоҳдан паноҳ тилаш, Пайғамбаримиз соллаллоҳу алайҳи васаллам айтгандаридек, икки муаввизатайнларни кўпроқ ўқиши ва бундай синовларга дучор қилмаслигини Аллоҳдан сўраб юриш лозим.

Имом Бухорий Оиша онамиздан ривоят қиласидар:

“Пайғамбаримиз соллаллоҳу алайҳи васаллам ҳар кеча жойларига ётсалар, икки кафтларига “Қул хуваллоҳу аҳад”, “Қул аъзузи бироббили фалак” ва “Қул аъзузи бироббиннаас” сураларини ўқиб, дам солиб, баданларига суртиб ётардилар”.

Биз ҳам мана шу суннатга амал қилишимиз, одатланишимиз ва бу хусусда билган нарсаларимизни бошқаларга ўргатишимиш лозим. Чунки бу каби нарсаларни арзимас санаб, бепарво бўлиш келажакда катта-катта салбий оқибатларга олиб келиши турган гап.

Назокат тайёрлади.

АЛАМЛАРГА БУРКАНГАН НЕЙМАТ

Баъзи кишиларнинг беморликдан ношлишларига, саратон каби оғир касалликка чалингган кишиларнинг умидсизликка тушиб қолганларига гувоҳ бўламиз. Аслида эса бемор тавҳидда мустаҳкам турив, машаққат чекса ҳам, намозларида қоим турса, унга ҳеч қандай ҳавф-хатар яқинлашмайди.

Анас розияллоҳу анҳудан ривоят қилинади:

“Пайғамбаримиз соллаллоҳу алайҳи васаллам ўлим тўшагида ётган бир йигитни зиёрат қилдилар ва сўрадилар: “Ўзингни қандай хис этяпсан?” Йигит: “Аллоҳнинг раҳматидан умидворман ва гуноҳларимдан қўрқапман, эй Аллоҳнинг Расули!” деди. Шунда Набий соллаллоҳу алайҳи васаллам: “Қайси банданинг қалбida мана шу ўринда, шу икки нарса жам бўлар экан, Аллоҳ унга умид қилаётган нарсасини ато этиб, қўрқаётган нарсасидан хотиржам қиласди”, деб марҳамат қилдилар».

Лекин бу ҳадисни ҳужжат қилиб, амалларга сусткаш бўлиб қолмаслик керак. Ким қачон ўлишини ҳеч ким билмайди. Ўлим огоҳлантирмасдан, тўсатдан келади. Умуман олганда, Аллоҳнинг тақдирига рози бўлиб, сабр қилиб яшаган мўмин агар ҳаёти давом этса, ажру-савобларга эга бўлади, вафот этадиган бўлса, Аллоҳнинг раҳматига эришади. Пайғамбаримиз соллаллоҳу алайҳи васаллам марҳамат қилиб: “Ўлим мўмин учун тухфадир”, деганлар (*Табароний ривояти*).

Аллоҳ таоло нимаики яратмасин, бизнинг наздимизда у ёмон ёки яхши бўлсин, у нарсаларда неъмат ва хикмат бордир. Аллоҳ кўпгина карама-қаршиликларни яратганки, улар сабабли неъматларнинг қадри англанади. Агар тун бўлмаганда, кундузнинг қадри, касаллик бўлмаганда, соғлик-саломатликнинг қадри сезилмас эди. Лекин банда ўзига берилган ҳар қандай дардга сабр қилиш билан бирга, ўша касалликни кетказиш чораларини излаш, ҳаракат қилишга буюрилган.

Касалликнинг бир неча фойдалари бўлиб, улар зарур вақтда ёддан кўтарилади.

Дардга чалиниш сабабли киши нафсининг ислоҳ бўлишига, турли ёмонликлардан, гуноҳлардан покланишга сабаб бўлади. Шунингдек, кишига етган беморлик охиратда лаззат ва суур қелтириши, Аллоҳнинг беморга яқин бўлишига сабаб бўлиши бор. Ҳадиси қудсийда Аллоҳ таоло дейди: “Эй Одам боласи! Фалончи бандам касал бўлди, кўргани бормадинг, агар борганингда, унинг ҳузурида Мени топган бўлардинг” (Абу Хурайрадан Муслим ривоят қилган).

Бемор инсоннинг сабри синалади, у Аллоҳга илтижою дуолар қиласди, Унинг паноҳига қочади. Касалликнинг фойдаларидан яна бири шуки, банда томонидан тааббуд – қулчиликнинг турли кўринишлари зохир бўлади. Аллоҳ таоло бандасини кибрдан, мақтанчоқлик иллатларидан поклайди. Киши сихат-саломатликнинг қадрини билади. Касаллик бандага Робби томонидан ато этилган эҳсон ва раҳматdir. Аллоҳ таоло марҳамат қиласди: «*Агар шукр қилсангиз ва иймон келтирсангиз, Аллоҳ сизни азоблаб нима қиласди?! Аллоҳ кўп савоб берувчиdir, ўта билувчиdir*» (*Нисо сураси, 147-оят*).

Албатта, касаллик жазо, уқубат эмас, балки неъматdir. Унда турли хил лаззатлар бор. Беморга яқин биродарлари, қариндошлари ғамхўрлик қилишади, бу билан у меҳрмуҳабbat лаззатидан баҳраманд бўлади. Бемор Аллоҳга илтижо қилаётганида мислийўқ лаззатни хис этади. Тўшакка михланиб, қийинчилик лаҳзалари ўтиб, оғият дамлари келганда, дуолар ижобат бўлиб касаллик тузалганда Аллоҳдан миннатдорчилик, розилик, хурсандчилик лаззатини туди. Яна тенглик лаззати. Касаллик бой ва фақирни ажратмайди. Касаллик фақат камбағаллик ёки муҳтоҷлиқдан, ёки тўйиб овқатланмаслик сабабидан бўлганида, касалликка фақат камбағал ва мискинлар чалингган бўлар, бойбадавлат кишилар эса бундан халос бўлган бўлардилар. Аммо дард камбағал билан бойни, мансабдор билан оддий хизматчини фарқламайди. Унинг учун барча тенгдир.

Хулоса шуки, инсон дардга чалинганида ҳам руҳий, ҳам баданий фойда ва манфаатларга эга бўлади.

Аёл киши жамиятда юксак ўринга эга. Аёл – она, аёл – тарбиячи, аёл –эрнинг суюнчиғи. Аёл нафосат ва гўззалик рамзи сифатида эъзозланади. Исломда аёл кишига ва унинг ҳукуқларига алоҳида эътибор қаратилган. Аллоҳ таоло марҳамат қиласиди: «**У сизларни бир жондан яратган ва сокинлик топиши учун ундан жуфтини яратган Зотдир»** (*Аъроф сураси, 189-оят*). Аллоҳ таоло ушбу оятда “жуфт” – аёл сукунат, осойишталиқ, ором, латофат, меҳр-мухаббат рамзи эканлигини баён қилмоқда. Аёлнинг бу мақтовга лойиқ бўлиши жамиятда ва эри олдида унинг обрўсини оширади. Эрига содик хизмат қилиш, фарзандларни солиҳ инсонлар қилиб тарбиялаш аёл кишининг бурчи бўлиши билан бирга, уни жаннатга олиб киради. Пайғамбаримиз соллаллоҳу алайхи васаллам Аллоҳга ширк келтирмаган, намозини, рўзасини вактида адо этган ва эрини рози қилган аёлга жаннат башоратини берганлар. Аёл киши эрининг вазири бўлиб, уни гуноҳ ишлардан қайтаради, яхши амалларга тарғиб қиласиди ва Пайғамбаримиз соллаллоҳу алайхи васаллам мақтаган аёллар тои-



ЭРНИ ЭР ҚИЛАДИГАН ҲАМ ХОТИН...

фасига киришга интилади. Набий соллаллоху алайҳи васаллам айтадилар: “Мўмин банди Аллоҳга бўлган иймонидан сўнг эришган энг яхши нарса солиҳа хотин бўлиб, унга қараса, хурсанд қиласи ва Аллоҳнинг амрларини бажаришга ёрдам беради”.

Ўзбек халқида ҳам “Эрни эр қиласидиган ҳам, ер қиласидиган ҳам хотин”, деган мақол бот-бот тақорорланади. Араб халқида эса “Ҳар бир улкан шахснинг ортида аёл бор”, деган ибора бор. Юртимизда яшаб ўтган муҳаддис алломаларни ҳам, бутун дунёдаги алломаларни ҳам солиҳа аёллар дунёга келтиришган. Улардан Аллоҳ рози бўлсин.

Энг гўзал хулқ ва фазилат қаноатдир. Эрининг топганига қаноат қилган, яхши кунда ҳам, ёмон кунда ҳам у билан елкама-елка турган аёл энг яхши аёлдир. Сўфи Оллоҳёр яхши, қаноатли хотинларни таърифлаб, шундай дейди:

Агар бор олғонингни яхши ҳоли,
Дема хотун, дегил диннинг камоли.


Хуш ул зан билмаса бехуда дерни,
Сучук лафзи ила шод этса эрни.

Агар ўн йил уйида бўлмаса ун,
Уни чиқмас уни айтурға бир кун.

Сабр-тоқатли, борига қаноат қиласидиган аёл эрнинг ҳаромдан мол топишига, оилада турли жанжалларнинг келиб чиқишига сабаб бўлади. Аёл кишининг қаноатли бўлиши унинг ожизлигидан нишона эмас, балки мақталган сифатдир. Али розияллоҳу анҳу Фотима розияллоҳу анҳони ранглари оқарган, лоҳас ҳолда кўриб: “Сенга нима бўлди, Фотима?”, дедилар. Фотима розияллоҳу анҳу: “Уч кундан буён уйда егулик нарса топилмайди”, дедилар. Али розияллоҳу анҳу:

“Шундай экан, айтсанг бўлмасмиди?” дедилар. Шунда Фотима розияллоҳу анҳо: “Тўйимиз куни отам – Аллоҳнинг Расули алайҳиссалом: “Хой Фотима! Агар Али бирор нарса топиб келса, егин, бўлмаса сўрамагин”, деган эдилар”, деб жавоб бердилар.

Ҳаётда турли ҳолатлар бўлиши мумкин. Бундай пайтларда аёл киши ўзини оқила тутиши, ғазабини ичига ютиши лозим. Лекин ҳозирда бу ҳолатларнинг аксини кўрмоқдамиз. Кўпчилик аёллар сабрли, қаноатли бўлиш ўрнига эрларига зулм қилишмоқда: тўй-ҳашамларда тоғоралар сонини орттираётганлар ҳам аёллар, тўй-маросимларда янги-янги маросимларни ўйлаб топиб, эрларини мушкул ҳолатга солиб қўяётганлар ҳам аёллар. Бундай исрофгарчиликлар ёшларимизнинг баҳтли бўлишларини таъминлай олармикан? Аксинча, исрофгарчилик қанчалик кўпайс аҳам, қудаларнинг, тўғрироғи, аёл қуданинг кўнгли тўлмайди. Азиз опажон, онахонлар! Пайғамбаримиз соллаллоҳу алайҳи васаллам қизларини қандай узатганлар?Faқат «Ҳозир замон бошқача», деманг. Турли урф-одатларни тўқиб чиқараётган кимлар ўзи? Бунинг ўрнига қизлармизга юқорида айтиб ўтганимиз – Пайғамбаримиз соллаллоҳу алайҳи васалламнинг Фотима розияллоҳу анҳога тўй куни айтган насиҳатларини бир эслатиб ўтсак яхши бўларди. Оиланинг мустаҳкамлиги асосан аёлга боғлиқ. Эрни эр қиласидиган ҳам, ер қиласидиган ҳам хотин.



Хар бир ота-она фарзандига меҳрибон бўлиши шубҳасизdir. Бу меҳрибонлик фарзанд туғилмасиданоқ бошланади. Ҳомиладорлик вақтидаги оғирликлар, фарзанд туғилишидаги қаттиқ оғриқлар, уни тарбиялаб, вояга етказишдаги машаққатлар ота-онанинг фарзандига бўлган меҳрини заррача камайтира олмайди. Фарзанд туғилгач, ундан бир оғиз «Ойи», «Дада» деган сўзни эшитиш учун ота-она ойлар давомида, баъзан бир йилдан ошиқ муддатда фарзандининг оғзига тикилади. Эсган шаббодани ҳам фарзандига раво кўрмайди. Унинг оловга тушиши у ёқда турсин, унга биргина олов учкуни тегиб ўтсин-чи, бунга тоқат қила олармикан?! Қанчалар улуғ меҳрибонлик! «Расууллоҳ соллаллоҳу алайҳи вассалламнинг муҳаббатидан сўнг яна кимда кимга нисбатан бу қадар кучли севги бўлиши мумкин?» деб савол берилса, ҳеч иккимасдан, «Ота-онада фарзандига нисбатан» деб жавоб бериш мумкин. Афсуски, баъзи ота-

марта ўқилмаган фарз намознинг жазоси қирқ йил дўзах ўтида куйишdir.

Қайси ота-она фарзандининг шундай жазо олишига рози бўла олади?! Албатта, ҳеч бир ота-она бунга рози бўлмайди. Шундай экан, фарзандимизга ҳақиқий меҳр кўрсатайлик! Нафақат фарзандга, балки атрофдаги барча инсонларга ҳақиқий меҳр кўрсатиш лозим! Зоро, Аллоҳ субҳанаҳу ва таоло Қуръони каримда марҳамат қилади:

يَأَيُّهَا الَّذِينَ إِمْنَوْا فُؤْلَأْنَفْسَكُمْ وَأَهْلِكُمْ نَارًا وَقُوْدُهَا أَنَّاسٌ
وَالْحُجَّارَةُ عَلَيْهَا مَلِكَةٌ غَلَاظٌ بَنَانَائِنَّهُنَّ تَوْبُونَ وَنُونُ

«Эй иймон келтирганлар! Ўзингизни ва аҳли аёлингизни ёқилғиси одамлару тошдан бўлган оловдан сақланг. Унинг тепасида қўпоп, даргазаб фаришталар бўлиб, улар Аллоҳнинг амрига исён қилмаслар ва нимага буюрилсалар, шуни қилурлар» (*Таҳрим сураси, б-оят*).

Имом Дора Кутний Амр ибн Шуъбдан, у киши отасидан, у киши бобоси розияллоҳу анхўмдан килган ривоятда Расууллоҳ солаллоҳу алайҳи васаллам:

«Ёш болаларингизни етти ёшликларида намоз ўқишига амр қилинглар. Ўн ёшга етганларида унинг учун уринглар ва ётар жойларини алоҳида қилинглар. Қачон бирингиз ўз чўрисини қулига ёки мардикорига никоҳлаб берса, унинг киндигидан пастига ва тиззасидан юқорисига назар солмасин. Чунки киндикдан пости ва тиззадан юқориси авратдандир», деганлар.

Мазкур ҳадисда болаларни очик-ойдин намозга буюрилгани кўриниб туриди. Агар уларнинг оромини бузмаслик учун намозга буюрмаслик меҳр кўрсатиш бўлганида, Расууллоҳ солаллоҳу алайҳи васаллам ҳаргиз бундай демас эдилар, чунки у зот оламларга раҳмат бўлиб келгандар, чунки у зот болаларга, бутун умматга энг меҳрибон зот эдилар!

Ғиёсiddин Муҳаммад Юсуф

ФИРЬАВН САРОЙИДАГИ ЧАҚАЛОҚ



Бир куни дунёга машхур золим подшоҳ Фиръавн қўрқинчли туш кўрибди. У сарой аъёнларини чақириб, тушининг таъбирини сўрабди. Таъбир айтувчи эса Бану Исроилда туғиладиган бир чақалоқ Фиръавннинг давлатини йиқитишини ва бу салтанат йўқ бўлишини айтибди. Буни эшитган Фиръавн даҳшатга тушибди. Бану Исроилда туғилган ўғил бола чақалоқларни ўлдиришни буюрибди. У ҳар бир маҳаллага биттадан жаллод тайинлабди. Жаллодлар ҳар бир исроилликлар хонадонига кириб, янги туғилган ўғил бола чақалоқларни ўлдира бошлишибди. Мана шундай кунларнинг бирида ҳазрати Мусо алайҳиссалом дунёга келибди.

Ҳазрати Мусонинг онаси кўркув ва ҳаяжонда эди. Кимdir келиб, менинг ўғлимни ҳам ўлдиради, деб кўрқиб яшарди. Шунда Аллоҳ таоло Жаброил алайҳиссаломни Мусонинг онаси олдига юборибди. Жаброил унга: “Кўрқма, Мусони эмиз ва уни сандиққа солиб, Нил дарёсига оқиз. Биз уни сенга яна берамиз. У пайғамбарларимиздан бири бўлади”, дебди. Она боласини сандиқчага солиб, дарёга оқизибди.

Фиръавннинг саройи дарё бўйида жойлашган эди. Унинг хотини канизаклари билан дарё бўйида ўтиришганда, оқиб келаётган сандиқни кўриб қолишибди. У сандиқни дарёдан олиб чиқишини буюрибди. Фиръавннинг хотини сандиқдаги нурли чақалоқ – Мусо алайҳиссаломни кўриб, уни жуда яхши

кўриб қолибди. У Фиръавндан бу болани ўғил қилиб олишни ялиниб сўрабди. Хотинининг гапини икки қилмайдиган Фиръавн бу таклифга рози бўлибди.

Мусонинг онаси боласини дарёга оқизгач, акасини сандиқнинг қаергача боришини кузатишга буюрган эди. У Мусонинг онасига бўлиб ўтган воқеани айтиб берибди ва она боласининг саройда эканидан хабар топибди. Саройда ҳамма чақалоқ билан овора эди. Мусо қорни очиб, йиғлайверибди, йиғлайверибди. Сут беришса, ичмабди. Энагалар топиб келтиришибди, бола ҳеч бири эммабди. Шунда энага ахтариб, ҳар ёққа одам юборишибди. Шу пайт Мусонинг холаси бир илож топиб, саройга кирибди ва жуда яхши энага топганини айтибди. Шундай қилиб, она-бала бир-бирларига етишишибди. Онаси уни гўзал тарбиялаб, вояга етказибди.

Зайнаб тайёрлади.



ИЛМНИНГ ФАЗИЛАТИ ВА ЖОҲИЛЛИК ҚАБОҲАТИ

Илм олинглар. Илм билан бирга хотиржамлик, викор ва ҳилмни (мулойимликни) ҳам олинглар. Сизга таълим берастган кишига тавозеъли бўлинглар. Сиздан таълим олаётган кишилар ҳам тавозеъли бўлсинлар. Жабр қилувчи олимлардан бўлманглар. Илмингиз жоҳиллигингиз устига қоим бўлмасин.

Али ибн Абу Толиб

Илмни фурсат бўлганда ўрганавериш керак. Чунки илм олиш зарур бўлган пайтда фурсат то пилмайди.

Абдуллоҳ ибн Масъуд

Илмнинг ҳаммаси дунёдир. Охират эса унга амал қилишдир. Ихлос билан қилинганидан бошқа ҳамма амаллар бехудадир.

Саҳл ибн Абдуллоҳ Тустарий

Кишининг олим бўлишига Аллоҳ таолодан қўрқмоғи, илмсиз қолишига эса амалига мағрурланиши кифоя қиласди.

Masruq

Ёки илмли бўл, ёки илмга таяниб иш тутадиган бўл. Лоакал илмни тинглаб, эшитадиган бўл, аммо тўртинчиси бўлма. Чунки касодга учраб, ҳалок бўласан.

Абулқосим Замахшарий

Истамай мутолаа қилаётган талаба – қанотсиз қуш.

Саъдий Шерозий

Жоҳилликдан бесаодатроқ нима бор?

Алишер Навоий

Ҳақ таоло ҳар замонда олимларни ўшал замона халқининг амалларига муносиб сўзлар билан гапиртириб қўяди.


Абу Туроб Нахшабий

Билимим шу жойга етиб келдики, билимсизлигимни энди тушундим.

Абу Шукр Балхий

Гуноҳ қилиш илмнинг баракасини йўқотади, уни унутишга олиб келади.

Абдуллоҳ ибн Масъуд



Ортиқча таом истеъмол қилишнинг бир қанча саблари бор. Улардан энг муҳимлари қўйидагилар:

1. Сезгининг таъсири

Тасаввур қилайлик, дунёдаги энг лазиз таомлар, ўзимиз севиб истеъмол қиласиган егуликлар билан тўла дастурхон атрофидамиз. Қорин тўқ бўлса ҳам, оғзимизда сўлак пайдо бўлади. Ошқозондаги очлик сигнали ишлаб кетади. Гарчи бир оз олдин овқатланган бўлсак-да, ошқозонда яна бир оз жой борлиги ҳақида йўлаймиз.

Кимда ушбу ҳолат пайдо бўлса, демак, унинг психологик тарбияга муҳтожлиги бор. Бундай ҳолатларда ички овозга қулоқ солишимиз, ейиш ёки емасликнинг фойда-заараларини ўйлаб, табиий ички истакларнинг фарқини билишимиз лозим. Ўйлаб кўрайлик, ростдан ҳам шуни емасак бўлмайдими?!

2. Рекламалар

Рекламадан асосий мақсад – маҳсулотни харидор гир қилишdir. Биз унинг таъсирида хоргин, тушкун кайфиятда ҳам шоколад ёки турли ичимлик(кола-фанта)ларга қўл узатамиз. Чунки рекламаларда уларнинг яхши кайфият ва қувват беришини қайта-қайта таъкидлашади. Аслида ҳам шундайми, йўқми, бунга эътибор бериб ўтирамаймиз ва организмга зулм қилишда давом этамиз.

3. Мукофотлаш воситаси

Болалигимизда бирор яхши ишимиз учун ёки байрам кунлари мукофот тарзида ширинликлар, мевалар берилгани ҳаммамизнинг ёдимизда. Бу одат улгайганимизда ҳам биз билан қолган, яъни нимадир каттароқ иш қилсан, ўзимизни ўзимиз, бирор тансикроқ егулик билан мукофотлаб қўямиз. Бундай янгилиш тарбия, яъни рағбат натижасида (семизлик, қандли диабет каби) ҳар хил жисмоний касалликлар юзага келади. Демак, фарзандларимизни бундай “мукофот”ларга ўргатмаслигимиз лозим. Бунинг ўрнига уларнинг қўлига китоб тутқазиш ёки бирор бир хушманзара жойга сайрга олиб чиқиш мақсадга мувофиқdir.

4. Стресс ҳолати

Айрим одамлар ташвишли кунларда ёки муаммолар ортидан юзага келган стресс ҳолатини тарқатиш мақсадида ҳам егулик ейишиди. Шоколад, кекс, муз-қаймок, торт каби ширинликларни истеъмол қилганда қандайдир хузурланишини, ич-ичимиздан роҳатлашиши хис қиласимиз. Чунки бу егуликлар эндорфин – баҳт гормонини қўзгатади.

Баъзи вазни оғир кишилар ўзларидаги стресс ҳолатини шириналлик истеъмол қилиш билан даф қилишади. Ҳолбуки, бу шириналклар аввалига ҳаловат берган бўлса-да, секин-аста қандли диабет, ҳолсизлик, бош айланиши каби ҳолатларни келтириб чиқаради. Натижада яна шу шириналкларга эҳтиёж сезилади. Шунинг учун стресс ҳолатининг бошқа даво чораларини излаш лозим бўлади. Ҳаётга бошқача кўз билан қараш, яшаш тарзини ўзгартириш ана шундай чоралардан саналади. Шириналклар эса бундай пайтда «алдамчи нажоткор» бўлади холос.

5. Ўта хорғинлик

Кўп таом истеъмол қилишга сабаб бўлувчи омиллардан яна бири хорғинлиқдир. Тунда егулик ейиданлар энергияни бекорга тиклашга ҳаракат қиласидилар. Ҳаддан ташқари кўп ишлайдиганлар, тунда ишловчилар чарчоқни, очликни кетказиш учун меъордан ортиқча ейишиди. Чунки бу қондаги қанд мидорини вақтинча кўтариб, чарчоқни бир оз чекинтиради. Аслида хорғинликни кетказишнинг энг яхши

НЕГА КЎП ЕЙМИЗ?

воситаси вақтида дам олишдир. Қоринни тўйдириб олиш эса ишни уйқусираб, чала ва хато бажаришга олиб келади.

6. Ёлғизлик хисси

Баъзан инсон ўзини ёлғиз хис қилганда ҳам ебичишига тутунади. Пала-партиш овқатланиш натижасида семириб кетади ёки бирор аъзоси дардга чалинади. Бу ҳол уни одамлардан янада узоклаштиради.

7. Одатланиш

Семиз кишиларнинг аксарияти яхши еб-ичишига одатланган бўлади. Улар эҳтиёжларидан кўпроқ ейишиди. Телевизор қаршисида, йўлда кетаётib, ҳатто ётиш олдидан оғир ҳазм бўладиган таомларни истеъмол қилишнинг заарли эканини билишса-да, тарки одат амри маҳолдир. Натижа эса ўзингизга маълум.

8. Вақт этишмаслиги

Бу тезкор замонда хатоларимиздан яна бири овқатланишига жуда кам вақт ажратишимиздир. Кўп ҳолларда таомни чайнаб-чайнамай ютаверамиз. Ишимиз кўплигини ўйлаб, вақтдан ютишга уринамиз. Ҳолбуки, таомни сокин ҳолда, Яратганнинг берганига шукrona айтиб, шошмасдан ейиш лозим.

9. Дорилар

Қандли диабет, қон босими касалликларини даволашда ишлатиладиган дори-дармонлар иштаҳани очиб, кўп овқат ейишга ундейди. Бундай ҳолларда киши ўзини тийиши, кўп ейиш билан дард аримаслигини ёдда тутиши лозим.

Жұллағни пағвағишилаш

Аёл кишининг қўллари унинг ҳаёт тарзи, ўзига бўлган эътибори ва иш фаолиятидан далолат бериб туради. Маълум бўлишича, қўлларимиз танамизнинг бошқа қисмларига қараганда тезроқ қарир экан. Сабаби эса оддий: биз кунига бир неча марта қўлимизни совуқ, иссиқ сувга соламиз, кир, идиш-товоқ ювамиз. Бу юмушларда ишлатиладиган турли тозалаш воситалари уларга салбий таъсир кўрсатади. Натижада қўлларимизнинг териси ёрилади, қуриб кетади, ажинлари кўпаяди. Қўлларимизни ана шундай салбий таъсирлардан химоя қилиш учун уларнинг парвариши ҳақида ҳар куни қайғуришимиз керак бўлади.

Қўлга чанг, тупроқ илашадиган юмушлар билан шуғулланаётганингизда қўлингизга чарм ёки резина қўлқоп кийиб олишингизни маслаҳат берамиз. Кир ювишдан олдин ёки бирор кимёвий воситалардан фойдаланишдан олдин қўл терисини химояловчи маҳсус суртмалардан (кремлардан) суриш ёки юкорида таъкидлаганимиздек, резина қўлқоп тақиши тавсия этамиз. Юмушлардан халос бўлгач, қўлларимизни яхшилаб юваб, уларга озиқлантирувчи қўл крем-

ларидан суриш мақсадга мувофиқдир. Қўллар парвариши учун уйда ҳам никоб ва лосьонлар тайёрлашингиз мумкин.

Картошқали қўл никоби

Қайнатилган 2 та картошка эзилиб, унга 2 томчи глицерин, 2 томчи бодринг ёки лимон шарбати қўшилади. Ушбу аралашма қўл терисида 10-15 дақиқа ушлаб турилади.

Тухумли қўл никоби

1та тухум сарифига 1 ош қошиқ асал ва 1 ош қошиқ сули уни қўшилади. Бу аралашма кечқурун ётиш олдидан суртилади. Ушбу никобдан кейин ажинли дағал қўллар юмшоқ ва эластик ҳолга келади.

Қўл лосьони

50 гр глицерин ва 1 чой қошиқ новшадил спирти, 50 гр сув ва 2-3 томчи атир. Бу лосьондан кунига 1 марта фойдаланишингиз мумкин.



Мевали галетлаф

Масаллиқлар:

7та майда ёки 1та катта галет учун:

Хамир: 250 гр ун, 125 гр муздек сариёғ ёки маргарин, 1/3 чой қошиқ туз, 2 ош қошиқ шакар, 1 ош қошиқ олма уксуси, 4-5 ош қошиқ муздек сув.

Мевали қайла учун

ишилатиладиган масаллиқлар:

5-6та катта шафтоли, 2 ош қошиқ шакар, 1 ош қошиқ долчин (рус: корица), 2 ош қошиқ печене увоғи, 2 ош қошиқ крахмал.

Тайёрланиши:

1. Элақдан ўтказилган унни туз, шакар билан аралаштирамиз ва сариёғни қўшамиз.
2. Масалликларни қўлда ёки ошхона комбайнни ёрдамида яхшилаб аралаштириб, урвоқ ҳолинга келтирамиз.

3. Урвоқка бир қошиқдан уксус ва сув солиб, хамир қорамиз.

4. Хамирни целофанга ўраб, совутгичга қўяшимиз. Меваларни тайёрлашни бошлаймиз. Бунинг учун мевани ўзимиз истаган катталикда тўғраболамиз.

5. Мевага шакар, долчин, крахмал ва печене урвоғини солиб, енгил аралаштирамиз.

6. Хамирдан 7та зувалача ясаб, диаметри 15 см катталикда ёйиб чиқамиз.

7. Хамирнинг устига печене урвоғини сепамиз.

8. Меваларни соламиз.

9. Хамирнинг учларини бирлаштириб, туғибчиқамиз.

10. 200 даражагача қиздирилган духовкада усти енгил қизаргунига қадар пиширамиз, бунга тахминан 15-20 дақиқа вақт кетади.



Пишилсөт ва балиқли кекс

Масаллиқтар:

2та тухум, 7 ош қошиқ ўсимлик ёғи ёки маргарин, 6 ош қошиқ қатиқ ёки сут, 1 стакан ун, 1 чой қошиқ разрыхлитель, 0,5 чой қошиқ туз, 100 гр дудланган балиқ, 100 гр пишлөк.

Тайёрланиши:

1. Духовкани 180 даражагача қиздириб қўямиз.
2. Тухум, ёғ ва қатиқни идишга солиб, яхшилаб аралаштириб оламиз.

3. Ун, разрыхлитель ва тузни яхшилаб аралаштирамиз ва элаб, юқоридаги суюқ масаллиқка қўшамиз.

4. Балиқ ва пишлоқни майдада тўғраб, тайёр бўлган аралашмага қўшамиз ва яхшилаб аралаштириб, қолипга соламиз.

5. Қизиган духовкада 40 дақиқа ёки устки қисми чиройли қизаргунча пиширамиз.

